



HOOP WAT GROEI EN GROEI

Kategese / tieners

Week 1 Hoop wat groei en groei

Daar is hoop by Jesus; moenie daarsonder probeer lewe nie!

Kernteks: 2 Korintiërs 4:7-18

Week 2 Hoop wat groei en groei

Om te hoop is om te weet God sal 'n plan hê.

Kernteks: Johannes 8:1-11

Week 3 Hoop wat groei en groei

Ek hoop omdat ek weet wie (hoe) God is...

Kernteks: Genesis 16:1-15

Week 4 Hoop wat groei en groei

Hoe hou ek my hoop lewendig?

Kernteks: Romeine 8:31-39

Week 5 Hoop wat groei en groei

Wees 'n hoopdraer! - Gee 'n antwoord vir ander...

Kernteks: 1 Petrus 3:13-16

Week 6 Hoop wat groei en groei

Ek strek my uit na wat voor is...

Kernteks: Filippense 3:10-21

Week 7 Hoop wat groei en groei

Wees verseker! Wat 'n fees, ons gaan in die hemel wees!

Kernteks: 2 Petrus 3:3-4;8-15 en 17-18

Elke les bevat:

- ✓ Gebed
- ✓ Eie evaluasie oor jou HOOP
- ✓ Vandag se spreuk
- ✓ Kyk na die DVD (inleiding by die kleingroepstudies)
- ✓ 'n Gedeelte uit God se Woord (drie vertalings met vrae)
- ✓ Verhaal van HOOP
- ✓ Eie evaluasie oor jou HOOP
- ✓ Opdrag vir elke dag van die week
- ✓ Ander tekste om te lees
- ✓ Gebed
- ✓ HUISGELOOF - deel wat die tiener saam met sy ouers deurwerk



Week 1 Hoop wat groei en groei

Daar is hoop by Jesus; moenie daarsonder probeer lewe nie!

Kom ons bid....



Merk een asseblief

Het jy HOOP? Beslis Ja ☐ Ja ☐
 Miskien ☐
 Nee ☐ Beslis nie! ☐

Aan die einde van die les gaan jy weer 'n geleentheid kry om te merk en so ook by elke les se begin en einde

- mag jou HOOP groei en groei... -

Die uitkoms

Kom ...

- kry die kans om te ontdek dié HOOP wat by Jesus te vinde is,
- kry die kans om te ontdek wat hierdie HOOP vir jou beteken,
- kry die kans om 'n stukkies van die HERE se WOORD opnuut of vir die eerste keer te hoor en te verstaan.

Miskien....

- ◆ mag jy soms voel dat daar geen HOOP meer is nie,
- ◆ mag jy soms voel asof die lewe net te veel word,

💧 mag jy soms voel ek kan nie meer nie – EK IS MOEDELLOOS!

Kortom

Hierdie ontmoeting sal jou laat ontdek dat daar HOOP is by Jesus en dat jy as mens eintlik nooit daarsonder kan lewe nie. Die wonderlike is dat jy nooit daarsonder hoef te lewe nie. Jy hoef nie met die moedeloosheid te bly sit nie.

Vandag se spreuk:

HOOP is 'n deug wat alle ander oortref.

Om te sê dat 'n situasie 'hopeloos' is en jou oor te gee aan die wanhoop, is om die deur in God se gesig toe te slaan. (Charles L Allen)



1. Hoe het jy gevoel as iemand 'n deur in jou gesig toeslaan?
2. Hoe dink jy voel God as jy sê alles is “hopeloos”?
3. Dink jy om te HOOP is moontlik in hierdie lewe van ons?



KYK NA DIE DVD

Wat het jy gesien en gehoor?

2 Korintiërs 4:7-18



Enjoy God's Word together

Jy kan dit gerus in die Nuwe Vertaling (1983) gaan lees.

Ons gee vir jou nog twee ander vertalings van hierdie verse:

Die Bybel direkte vertaling (Die Bybelgenootskap van SA -2014):

⁷Hierdie skat het ons in kleipotte^a sodat die buitengewone krag duidelik van God kom en nie van ons nie.

⁸In alles word ons verdruk,^b maar nie oorweldig nie;
ons is oor raad verleë, maar nie radeloos nie;

⁹ons word vervolg, maar nie in die steek gelaat nie;
ons word platgeslaan, maar nie vernietig nie.

¹⁰Die sterwe van Jesus dra ons altyd in ons liggaam met ons saam,
sodat ook die lewe van Jesus in ons liggaam sigbaar kan word.

¹¹Want ons wat leef, word voortdurend aan die dood uitgelewer ter wille van Jesus,^c sodat ook die lewe van Jesus in ons sterflike liggaam sigbaar kan word.

¹²So werk die dood dan in óns, maar die lewe in julle. ¹³Maar aangesien ons dieselfde Gees^d van die geloof het – soos geskryf staan, “Ek het geglo, daarom het ek gepraat”^e – glo ons ook en daarom praat ons. ¹⁴^f Ons weet dat Hy wat die Here opgewek het, ons ook saam met Jesus sal opwek en julle voor Hom sal stel. ¹⁵Want dit gebeur alles ter wille van julle,^g sodat die genade, wat steeds meer mense insluit, die dankbaarheid oorvloedig kan maak tot eer van God

Die tydelike teenoor die ewige

¹⁶Daarom gee ons nie moed op nie, want selfs al vergaan ons uiterlike mens, word ons innerlike mens van dag tot dag vernuwe.^h

¹⁷ⁱ Want ons ligte en tydelike verdrukking bewerk vir ons ’n gewigtige en allesoortreffende ewige heerlikheid, ¹⁸terwyl ons nie let op die sigbare nie, maar op die onsigbare dinge;^j want die sigbare is tydelik, die onsigbare ewig.

===== Voetnotas:

^a **4:7** Hierdie....kleipotte: 2 Korintiërs 5:1

^b **4:8** In... verdruk: 2 Korintiërs 1:8;7:5

^c **4:11** Want...ter wille van Jesus: Romeine 8:36; 1 Korintiërs 15:31

^d **4:13 Gees:** Kan verwys na die Gees van God of na die gees of ingesteldheid wat die psalmdigter die volgende woorde laat sê het.

^e **4:13 Ek het ...gepraat:** Psalm 116:10. Paulus se aanhaling stem presies ooreen met Psalm 115:1 (die betrokke gedeelte) in die LXX, die vertaling wat hy normaalweg gebruik. (Griekse vertaling van die Hebreeuse Ou Testament)

^f **4:14** Romeine 8:11; 1 Korintiërs 6:14; 15:15,20

^g **4:15** want ... julle: 2 Korintiërs 1:3-6

^h **4:16** word ... vernuwe: Efesiërs 3:16

ⁱ **4:17** Romeine 8:17-18

^j **4:18** terwyl ... dinge: Kolossense 1:16; Hebreërs 11:1,3

Die Bybel vir almal (Die Bybelgenootskap van SA- 2007):

Die mense wat die boodskap oor Jesus bring, kan maklik seerkry

⁷Hierdie boodskap oor Jesus Christus is baie kosbaar. Maar God het die boodskap gebêre in kleipotte wat maklik kan breek. Hierdie kleipotte is ons. Almal moet sien dat die boodskap groot krag het omdat dit van God kom en nie van ons nie. ⁸Mense hou aan om ons te laat swaarkry, maar ons hou aan om te lewe. Ons weet nie altyd wat om te doen nie, maar ons is nie moedeloos nie. ⁹Mense wil ons doodmaak, maar God los ons nie. Mense slaan ons sodat ons val, maar ons sterf nie. ¹⁰Ja, wanneer julle sien hoe ons lewe, dan kan julle sien hoe Jesus swaargekry en gesterf het. Wanneer julle sien hoe ons lewe, dan kan julle ook sien dat Jesus weer lewe. ¹¹God laat vir ons wat nog lewe, altyd so swaar kry dat ons amper sterf, want ons doen Jesus se werk. Maar wanneer julle sien hoe ons lewe, dan wys God dat Jesus lewe, Hy wys dit vir ons wat eendag moet sterf. ¹²Daarom, terwyl ons altyd veg teen die dood, kry julle die lewe. ¹³In die Ou Testament is geskryf:

Ek het geglo, daarom het ek gepraat.

Ons het ook die Heilige Gees wat ons laat glo. Ons glo, en daarom praat ons. ¹⁴God het die Here Jesus weer laat lewe. Ons weet dat God vir ons ook weer sal laat lewe soos Hy vir Jesus laat lewe het. God sal ons saam met julle voor Hom bring, ons sal wees waar Hy is. ¹⁵Al hierdie dinge wat met ons gebeur, help vir julle. So kan God genadig wees vir meer mense. Dan kan meer mense dankie sê vir God. En so kry God al die eer, God wat die Koning is.

Paulus en die ander apostels lewe omdat hulle glo, nie omdat hulle sien nie

¹⁶Daarom word ons nie moedeloos nie. Ons liggame is besig om te sterf, maar God maak ons geestelike lewe elke dag nuut. ¹⁷Want wanneer ons swaarkry, dan is dit net vir 'n kort tydjie en dit is nie baie swaar nie. Later bring hierdie swaarkry vir ons iets wat beter is as al die ander dinge, iets wat baie belangrik is, dit is dat ons vir altyd saam met God kan wees. ¹⁸Daarom is die dinge wat 'n mens kan sien, nie baie belangrik vir ons nie. Die dinge wat 'n mens nie kan sien nie, is belangrik. Die dinge wat 'n mens kan sien, is net 'n kort tydjie daar, maar die dinge wat 'n mens nie kan sien nie, is vir altyd.

Lees een van hierdie drie vertalings weer deur en skryf hier neer:

Watter woord, beeld of sin staan vir jou uit?

Wat beteken hierdie woord, beeld of sin vir jou?

GESELS SAAM

4. Paulus het genoeg rede gehad om moedeloos of wanhopig te wees. Skryf die woorde wat dit sê hier neer:



5. Het jy al iets hiervan beleef? Vertel die groep.

Paulus sê dat ons as mense kleipotte is. Die mens is broos en breekbaar. Van buite af lyk ons baie maal mooi en jonk en begeerlik. Ons is ryk en voel só onaantasbaar. Wanneer die lewe jou egter slaan, dan knak en breek jy maklik. Met die verloop van tyd kry jy merke en littekens op jou liggaam en ook so op jou gees.

Miskien het jy ook al moedeloos geword deurdat

(Merk wat jy al beleef het of nog steeds beleef):

- ☐ Jou span het verloor.
- ☐ Jou punte was nie so goed nie
- ☐ Jou ou/meisie het uitgemaak
- ☐ Jy is nie gekies vir die span nie
- ☐ *(Skryf hier neer enige ander rede:)*

6. Paulus het egter nie moedeloos geword nie! Hy getuig amper uitdagend daaroor in 2 Korintiërs 4:8-10. Wat leer ons daaruit?

7. Hoekom (dink julle) het Paulus nie moedeloos / wanhopig geword nie? Kyk of julle iets daarvan ontdek in:

vers 7

vers 10

vers 13


vers 14

vers 16

vers 17

vers 18

*Somtyds is dit onmoontlik om 'n kleipot wat
geval het, weer heel te maak.
Vir stukkende mense daarenteen, is daar
altyd **hoop**, want ons weet:
“... die krag wat alles oortref, kom dus van
God, nie van ons nie.” (vers 7)*



8. Kyk weer na hulle. Watter een (of meer) het jou al gehelp?



Verhaal van HOOP:

‘n Ou oom sit eendag op sy stoep van sy huis in Kentucky Amerika.



Hy het onlangs afgetree by die poskantoor en was maar redelik teleurgesteld met die klein pensioen wat hy gekry het. Hy sit toe en wag vir sy eerste tjek om te kom. Heel moedeloos op dié stoep!

Hy begin toe wonder of dit maar gaan wees hoe die res van sy lewe sal wees. Sit maar hier en wag – niks om te doen nie! Hy begin wonder hoe hy sal kan oorleef nie net die stilsit en wag nie, maar met die karige pensioen!

Hy besluit toe om eerder te fokus op dit wat hy het, dit waarvoor hy dankbaar is. En hy begin ‘n lysie maak van al die goed waarvoor hy dankbaar is.



Op die lysie was een van dié dinge dat hy die enigste persoon op aarde was wat geweet het om sy ma se hoender te maak. Elf kruie en speserye.

So het hy na 'n nabygeleë restaurant gegaan en hulle gevra of hy hierdie hoender vir hulle kan maak. Kort voor lank het dit die mees populêre item op die spyskaart geword en het hy een na die ander restaurante oopgemaak.



Oom Harland Sanders (Kolonel Sanders) het sy Kentucky Fried Chicken franchise op die ou einde verkoop en 'n tweede keer afgetree en aangebly as PR bestuurder tot hy dood is.



Hy't gefokus op dit was hy gehad het, al was dit net sy ma se hoenderresep.

Hy't gekyk na sy moedeloosheid, erken dat dit daar was en aangegaan en gefokus op die goeie wat in sy lewe was.



Moedeloosheid is deel van die lewe – elkeen van ons beleef dit. Maar weet jy, op jou dankbaarheid lys kan beslis staan dat jy vir Jesus het en dit maak dié GROOT verskil in die lewe.



Geen mens kan eintlik sonder dié HOOP wat Jesus vir ons gee, lewe nie – ook nie JY nie! Jy hoef nie daarsonder te lewe nie! Dit is die anker in ons lewe!

Terloops 1 Korintiërs 13:13 sê: *En nou: geloof, HOOP, liefde bly ...*” Hierdie drie begrippe word uitgebeeld:

Geloof:



Merk een asseblief

Het jy HOOP? Beslis Ja ☐ Ja ☐

Miskien ☐

Nee ☐ Beslis nie! ☐

Opdrag:

**SKRYF HIERDIE WEEK NEER WAAR JY MOEDELOOS
GERAAK HET EN HOE JY DAARUIT GEKOM HET.**

(Dink aan die geleenthede waar die lewe jou as kleipot gebreek het en hoe jy weer HOOP gekry het.)

Maandag:

Dinsdag:

Woensdag:

Donderdag:

Vrydag:

Saterdag:

Tekste oor moedeloosheid /moed skep

Psalm 40:12-14

Lukas 18:1-8

Rigters 7:11-15

Psalm 27:14


Kies vir jou 'n stel verse van hier bo en gaan lees daardie verse êrens alleen – Lees die stel verse 'n tweede maal deur. Skryf die hoofpunte of dit wat vir jou uitstaan hier neer:



Praat dan 'n paar woorde met die Here oor hierdie verse:



HUISGELOOF:



Maak tyd in die komende week om die volgende deel saam met jou pa en ma (boeties en sussies) te doen:

- ⊙ **Lees die teks van 2 Korintiërs 4:7-18 saam** *(In enige vertaling.)*
- ⊙ **Deel met mekaar wat vir jou uitstaan in hierdie verse.**
- ⊙ **Vertel vir jou ouers wat jou moedeloos maak in die lewe.** *(Dit kan iets wees wat jou ouers doen teenoor jou of sommer net in die lewe van elke dag in die huis.)* **WEES EERLIK MET HULLE.**
- ⊙ **Ouers deel julle moedeloosheid** *(Dit kan iets wees wat jou kind doen of sommer dit wat in die lewe elke dag gebeur.)* **WEES EERLIK MET JOU KIND.**
- ⊙ **Probeer saam 'n plan maak om hierdie moedeloosheid teen te werk.** *(Skryf julle plan neer – onthou dat Jesus êrens in daardie plan beslis moet wees anders sal dit nie slaag nie.)*
- ⊙ **Bid saam oor:**
 - ☹ **julle moedeloosheid**
 - ☹ **verstaan/begrip vir mekaar**
 - ☹ **HOOP in die lewe**
 - ☹

Moenie moed opgee nie! (pouse)

Moet nooit moed opgee nie! (langer pause)

*Moet nooit, nooit, nooit, **NOOIT** moed opgee nie...*


(Winston Churchill se korste toespraak, voor graduandi aan 'n Britse universiteit.)



Week 2 Hoop wat groei en groei

Om te hoop is om te weet God sal 'n plan hê.

Kom ons bid....



Merk een asseblief

Het jy HOOP? Beslis Ja ☐ Ja ☐

Miskien ☐

Nee ☐ Beslis nie! ☐

Aan die einde van die les gaan jy weer 'n geleentheid kry om te merk en so ook by elke les se begin en einde

- mag jou HOOP groei en groei... -

Die uitkoms

Kom ...

- kry die kans om te ontdek wat HOOP werklik beteken,
- kry die kans om te ontdek dat God altyd 'n plan in 'n krisis het,
- kry die kans om 'n stukkies van die HERE se WOORD opnuut of vir die eerste keer te hoor en te verstaan.

Miskien....

- ◆ mag jy soms voel dat HOOP 'n vae begrip is,
- ◆ mag jy soms voel dat God nie meer 'n plan het nie,

- 💧 mag jy soms voel asof jy alleen is en die krisis van die lewe alleen moet hanteer.


Kortom

Hierdie ontmoeting sal jou laat ontdek wat HOOP werklik beteken in 'n krisis en dat die Bybelse HOOP heel anders is as daardie gewone uitsprake van “ek hoop dat...”

Vandag se spreuk:

Die Christelike **HOOP** is nie afhanklik van 'n bloudruk vir die toekoms nie. Ons ken dié **EEN** wat die bloudruk skryf. (*Pippert Rebecca Manley*)

The Cross House Restoration - Robert & Deborah Rodin - 526 Union Street - Emporia, KS 66801 - Home (316) 343-3034 - Cellular (316) 341-7867 - Fax (316) 341-7879



1. Wie is die EEN wat die bloudruk (plan) van ons toekoms skryf?
2. Wat is jou toekoms volgens die bloudruk wat Jesus geskryf het?
3. Wat het dit alles met HOOP te make?



KYK NA DIE DVD

Wat het jy gesien en gehoor?



Johannes 8:1-11

Jy kan dit gerus in die Nuwe Vertaling (1983) gaan lees.

Ons gee vir jou nog twee ander vertalings van hierdie verse:

Die Bybel direkte vertaling (Die Bybelgenootskap van SA -2014):

Die owerspelige vrou^a

⁵³Elkeen het na sy eie huis teruggekeer

^{1 b} maar Jesus het na die Olyfberg gegaan. ² Vroeg die oggend het Hy weer by die tempelterrein^c aangekom. Die hele volk het na Hom gekom, en Hy het gaan sit en hulle onderrig.^{d 3} Die skrifkenners en die Fariseërs bring toe 'n vrou wat op owerspel betrap is en laat haar in die middel staan. ⁴ Hulle sê toe vir Hom: "Meester,^e hierdie vrou is op heterdaad betrap terwyl sy egbreuk pleeg. ⁵ In die wet het Moses ons beveel om sulke vroue te stenig.^f Maar u wat sê u? ⁶ Dit het hulle gesê om Hom te toets, sodat hulle iets kon hê waarvan hulle Hom kon aankla. Maar Jesus het afgebuk en met sy vinger op die grond geskryf. ⁷ Toe hulle egter volhou met hulle vrae aan Hom, het Hy regop gekom en vir hulle gesê: "Laat die een wat sonder sonde is, eerste 'n klip na haar gooi."^{g 8} Hy het weer afgebuk en op die grond geskryf. ⁹ Dié wat dit gehoor het, het een vir een, van die oudste af, weggegaan;^h net Hy het oorgebly en die vrou daar in die middel. ¹⁰ Jesus het toe regop gekom en vir haar gevra "Vrou, waar is hulle? Het niemand jou veroordeel nie?" ¹¹ Sy antwoord: "Niemand nie, meneer." Jesus sê toe: "Ek veroordeel jou ook nie. Gaan, en moet van nou af nie meer sondig nie."ⁱ

===== Voetnotas:

^a **7:53-8:11 Die owerspelige vrou:** Volgens teksgetuïenis was hierdie gedeelte nie aanvanklik deel van die bronteks nie. Dit bevat egter so 'n outentieke getuïenis oor Jesus dat dit mettertyd in baie manuskripte opgeneem is en sodoende deel van *Die Evangelie volgens Johannes* geword het.

^b **8:1** Lukas 21:37

^c **8:2 tempelterrein:** Dit verwys na die hele terrein van die tempel in Jerusalem met al die geboue, stoorkamers en voorhowe.

^d **8:2** Hy het ... onderrig: Matteus 26:55

^e **8:4 meester:** Die Griekse woord *didaskalos* verwys na die Joodse *rabbi*, dit is 'n leermeester. "Meester" is die aanspreekvorm vir "Leermeester" in Afrikaans

^f **8:5** In die ...stenig: Levitikus 20:10; Deuteronomium 22:22

^g **8:7** Laat ... gooi: Deuteronomium 17:7

^h **8:9** Dié wat... weggegaan: Matteus 22:22

ⁱ **8:11** moet ... sondig nie: Johannes 5:14

Die Bybel vir almal (Die Bybelgenootskap van SA- 2007):

Jesus vergewe 'n vrou wat egbreuk gepleeg het

⁵³Al die mense het na hulle huise gegaan,

¹maar Jesus het na die Olyf-berg gegaan. ²Vroeg die volgende oggend het Hy weer na die tempel gegaan. Al die mense het na Jesus toe gekom. Hy het gaan sit en Hy het vir hulle geleer. ³Iemand het gesien 'n vrou pleeg egbreuk. Hy het dit vir die skrifgeleerdes en die Fariseërs vertel. Hulle het die vrou na Jesus toe gebring en hulle het haar laat staan waar almal haar kon sien. ⁴Hulle het vir Jesus gesê: “Meneer, iemand het gesien hierdie vrou pleeg egbreuk. ⁵Die Wette van Moses sê ons moet vroue wat dit doen, doodgooi met klippe. Wat sê jy, wat moet ons doen?” ⁶Hulle het dit vir Jesus gevra, want hulle wou hê Hy moes iets sê wat verkeerd is, dan kon hulle Hom daaroor beskuldig by die Joodse Raad. Maar Jesus het gebuk en Hy het met sy vinger op die grond geskryf. ⁷Hulle het aangehou om vir Jesus te vra wat Hy dink hulle moet doen. Toe het Jesus opgestaan en Hy het vir hulle gesê: “As daar een van julle is wat nog nooit sonde gedoen het nie, dan moet hy haar eerste met 'n klip gooi!” ⁸Jesus het weer gebuk en Hy het op die grond geskryf. ⁹Toe die mense hoor wat Jesus sê, het hulle almal weggegaan. Die leiers het eerste weggegaan, en toe het die ander mense begin weggaan. Net Jesus het daar gebly en die vrou het nog voor Hom gestaan. ¹⁰Jesus het regop gestaan en Hy het vir die vrou gevra: “Mevrou, waar is die mense wat jou beskuldig het? Het iemand gesê die mense moet jou doodgooi met klippe?” ¹¹Sy het gesê: “Nee, niemand nie, Here.” Jesus het vir haar gesê: “Ek doen dit ook nie. Jy mag gaan, maar jy moenie weer die sonde doen nie.”

Lees een van hierdie drie vertalings weer deur en skryf hier neer:

📖 Watter woord, beeld of sin staan vir jou uit?

📖 Wat beteken hierdie woord, beeld of sin vir jou?

GESELS SAAM



4. Wat is vir jou besonders van hierdie gebeurtenis daar by die tempelterrein?
5. Wat dink jy het Jesus op die grond geskryf?
6. Hierdie vrou is vasgevang in 'n verskriklike krisis. Haar lewe is op die spel. Wat is haar onmiddellike rede vir wanhoop?
7. Ons beleef dikwels sulke krisisse wat ons **hoop** van ons wegneem. Noem 'n paar krisisse van die lewe waaraan julle nou kan dink:

Krisisse van die lewe:

- a.
- b.
- c.
- d.
- e.

8. Watter van hierdie krisisse beleef jy op hierdie oomblik:
 Persoonlike vraag – wees eerlik – dank die Here as jy nie 'n krisis beleef nie.

**Jy kies nie aldag jou eie krisisse nie,
 maar jy kies wel jou reaksie hierop**

(Dr. Stephan Joubert – E-Kerk)



Jy kies nie jou eie krisisse nie. Hulle kom die meeste van die tyd ongevraagd oor jou lewenspad. Voordat jy jouself kry, het 'n onverwagse siekte of goor nuus op jou deurstoep opgedaag. Die kuns van die lewe is egter hoe jy jou krisisse hanteer. Knikker dit jou ses-stroop uit, of gryp jy dit aan as geleentheid om God se lig in jou eie donkerte te weerkaats? Dink jy dalk krisisse is sigbare bewyse dat die Here sy rug op jou gedraai het, of weet jy in sulke tye dat Hy steeds die enigste Here is, al gaan dit hoe swaar? Raak jou hart hard wanneer jy swaarkry? Of leer jy in sulke tye om minder afhanklik van jou gerieflike dinge te wees, maar meer dankbaar vir die Here en vir goeie vriende wat nooit jou hand los nie? Die keuse is joune. Jy bepaal of krisisse jou opleef, of nie.

Krisisse is toetsskryf-tyd. Nee, die Here stel nie hierdie toetse op nie. **Jakobus 1** is glashelder daaroor dat die Here nie die Opposisie se spelpatroon navolg nie. Tog merk Hy wel die lewe se swaarkry toetse wat by jou voorstoep opdaag. Hy kyk of jy sy hand nog stywer vashou in sulke tye, en of jy kies om weg te stap van Hom af in woede en frustrasie. Die Here se slaagsyfer is wanneer jou karakter gevorm word deur elke terugslag om Hom nog meer te vertrou en lief te hê. Hoe jy in die vuur van swaarkry reageer, bepaal hoe jou karakter aan die ander kant uitkom. Of jy groei in sulke tye agteruit in bitterheid en selfbejammering in, of die Here maak jou 'n mooier en meer bruikbare instrument in sy hand.

9. Wat is jou reaksie op 'n krisis?

Verhaal van HOOP:



Daar word die verhaal vertel van die donkie wat in 'n kuilvoergat geval het. Na baie pogings van die boer en sy handlangers het hy tog besluit dat dit 'n hopelose saak is om die donkie uit die kuilvoergat te kry. Omdat die suurstof so min was onder in die kuilvoergat, en die donkie stilgeraak het, het die boer gedink die donkie is reeds dood.


So gee hy sy handlangers opdrag om die donkie toe te gooi. Die donkie het egter nog geleef. Soos die manne die grond in die gat gegooi het, het die donkie begin opstaan en elke keer die grond van sy rug afgeskud en begin beweeg. Hy het elke hoop grond afgeskud en in die rondte begin loop. So het hy al hoër in die gat gestaan, totdat hy self kon uitklim!

Daar gaan altyd krisisse en uitdagings in jou lewe wees. Hoe jy dit gaan hanteer hang van jou af. Jy het altyd 'n keuse hoe jy te midde van 'n krisis reageer. 'n Positiewe ingesteldheid beteken dat jy al jou krisisse en uitdagings ook positief moet hanteer. Met elke krisis en uitdaging in ons lewe, is ons soos 'n donkie in die kuilvoergat met min suurstof. Jy het 'n keuse om alles wat na jou kant toe gegooi word as baie moeilik of gewigtig te ervaar en te gaan lê en sodoende toelaat

dat alles wat op jou gegooi word jou versmoor. Daaronder sonder enige HOOP te sit.

Of jy kan kies dat dit wat op jou gegooi word deur die samelewing en lewe – af te skud en dit te gebruik om uit te styg en te oorleef! ! Die keuse hoe jy die krisis gaan hanteer bly joune! Onthou in enige situasie is daar nog altyd HOOP – meer as wat jy ooit besef.

Skryf hier neer jou definisie van HOOP:



Merk een asseblief

Het jy HOOP? Beslis Ja ☐ Ja ☐

Miskien ☐

Nee ☐ Beslis nie! ☐

As jy 'n bungee-jump wil doen, moet jy ten volle die toue en die harnas vertrou. Jy sal eers weet of dit jou vertrouwe werd was, as jy wel die sprong doen. Jou HOOP op God kan eers waar in jou lewe wees as jy die sprong waag om op HOM ten alle tye te vertrou.



Gebed: Here help my om elke krisis positief te hanteer en op U te vertrou. Help my om nooit moed op te gee nie, al is dit hoe swaar. Amen

Opdrag:

**SKRYF HIERDIE WEEK NEER WAAR JY 'N KRISIS BELEEF
HET EN HOE JY DIT HANTEER HET.**

(Dink aan die geleenthede waar jy beslis jou HOOP op God nodig gehad
het om deur daardie krisis te kom.)

Maandag:

Dinsdag:

Woensdag:

Donderdag:

Vrydag:

Saterdag:

Tekste oor 'n krisis

Eksodus 2

Rut 4

2 Konings 20

Nehemia 1

Kies vir jou 'n stel verse van hier bo en gaan lees daardie verse êrens alleen – Lees die stel verse 'n tweede maal deur. Skryf die hoofpunte of dit wat vir jou uitstaan hier neer:



Praat dan 'n paar woorde met die Here oor hierdie verse:




HUISGELOOF:



Maak tyd in die komende week om die volgende deel saam met jou pa en ma (boeties en sussies) te doen:

- ⊙ Lees die teks van **Johannes 8:1-11** saam (*In enige vertaling.*)
- ⊙ Deel met mekaar wat vir jou uitstaan in hierdie verse.
- ⊙ Vertel aan jou ouers van die krisis wat jy in jou lewe beleef (*Dit kan ook 'n ou krisis wees en deel met hulle hoe jy dit hanteer het.*)
- ⊙ Vertel aan jou kind(ers) van die krisis wat julle as ouers in die lewe beleef (*As die detail van die krisis ontstellend vir die kinders gaan wees, moet dit nie vertel nie.*)
- ⊙ Vertel aan mekaar wat julle dink die beste praktiese manier is om krisis van die lewe te hanteer. (*Moenie net vir mekaar sê: Vertrou en hoop nie.*)
- ⊙ Vertel aan mekaar hoe julle **HOOP** sien.
- ⊙ Bid saam oor:
 - ☹ julle krisis
 - ☹ die hantering van hierdie krisis
 - ☹ HOOP in die lewe
 - ☹


Laat die sonlig van God se beloftes oor jou probleme skyn. Corrie ten Boom



Week 3 Hoop wat groei en groei

Ek hoop omdat ek weet wie (hoe) God is...

Kom ons bid....



Merk een asseblief

Het jy HOOP? Beslis Ja

☐

Ja ☐

Miskien ☐

Nee ☐

Beslis nie! ☐

Aan die einde van die les gaan jy weer 'n geleentheid kry om te merk en so ook by elke les se begin en einde

- mag jou HOOP groei en groei... -

Die uitkoms

Kom ...

- kry die kans om te ontdek waarom daar GEHOOP word op dié Here ons God,
- kry die kans om te ontdek wie hierdie God is waarop die HOOP gevestig kan word,
- kry die kans om 'n stukkie van die HERE se WOORD opnuut of vir die eerste keer te hoor en te verstaan.

Miskien....

- 💧 mag jy soms voel dat HOOP op iemand gerig is wat NIKS kan doen,

- ♦ mag jy soms voel dat God en godsdiens veels te veel aandag kry in die lewe van mense,
- ♦ mag jy soms voel asof God te ver, te hoog vir jou as kleine mens is.


Kortom

Hierdie ontmoeting sal jou laat ontdek dat HOOP werklik in jou lewe kan wees omdat die Here ons **God is wat Hy is**.

Vandag se spreuk:

Optimisme is geloof in mense – dat hulle in staat sal wees om ons in ons nood te help. Maar die Christelike **HOOP** is die seker wete dat die almag van **GOD** wel in staat is om ons nood – of onself – te verander.

(Carlo Caretto)



1. Stem jy saam met hierdie spreuk?
2. Watter eienskap van God is vir jou die belangrikste?

3. Op wie vertrou jy? Mense God



KYK NA DIE DVD

Wat het jy gesien en gehoor?



Die Here het sy oë oral op die aarde sodat Hy dié kan help wat met hulle hele hart op Hom vertrou. (2 Kronieke 16:9)





Genesis 16:1-15

Jy kan dit gerus in die Nuwe Vertaling (1983) gaan lees.

Ons gee vir jou nog twee ander vertalings van hierdie verse:

Die Bybel vir almal (Die Bybelgenootskap van SA- 2007):

Hagar en Ismael

¹Abram se vrou Sarai het nog nie vir hom 'n kind gekry nie. Sarai het 'n slavin uit Egipte gehad. Haar naam was Hagar.²Sarai het vir Abram gesê: “Die Here het my nie kinders laat kry nie. Gaan slaap by my slavin. Miskien kry sy 'n kind, en dan sal dit my kind wees.”

Abram het geluister en gedoen wat Sarai gesê het.³Abram het toe al tien jaar in Kanaän gewoon. Sy vrou Sarai het haar Egiptiese slavin Hagar geneem en vir haar man Abram gegee sodat Hagar ook sy vrou kon wees.⁴Abram het seks gehad met Hagar, en sy het swanger geword. Toe Hagar sien sy is swanger, het sy gedink sy is beter as Sarai.

⁵Toe sê Sarai vir Abram: “Dit is nie reg nie en dit is jou skuld. Ek het my slavin vir jou gegee, maar toe sy swanger word, het sy begin dink sy is beter as ek. Die Here moet sê wie is reg en wie is verkeerd, ek of jy.”

⁶Toe sê Abram vir Sarai: “Dit is jou slavin. Jy mag met haar doen wat jy dink is goed.”

Sarai het toe slegte dinge gedoen aan haar slavin, so sleg dat die slavin weggeloop het.

⁷Die Engel van die Here het die slavin by 'n fontein in die woestyn gekry. Die fontein was langs die pad na die stad Sur.⁸Die Engel vra toe vir haar: “Hagar, slavin van Sarai, van waar kom jy en waarnatoe gaan jy?”

En Hagar antwoord: “Ek is Sarai se slavin en ek vlug weg van haar.”

⁹Die Engel van die Here sê toe vir haar: “Jy moet teruggaan na Sarai toe en gehoorsaam wees aan haar.¹⁰Ek sal jou nageslag baie groot maak. Hulle sal so baie wees dat niemand hulle sal kan tel nie.”

¹¹Die Engel van die Here het ook vir haar gesê:

“Hagar, jy is swanger en jy sal
'n seun kry.

Jy moet hom Ismael noem,
want die Here het gehoor
jy kry swaar.

¹²Jou seun sal soos

'n wildedonkie wees.

Hy sal teen almal wees,

en almal sal teen hom wees.

Hy sal nie by sy familie woon nie.”

¹³Nadat die Here met Hagar gepraat het, het sy die Here aanbid. Sy het gesê: “U is die God wat my sien. Hier het ek ook die God gesien wat my gesien het.”

¹⁴Daarom noem hulle die fontein Lagai-Roï-fontein. Die fontein is tussen die stede Kades en Bered. ¹⁵Hagar het 'n seun gekry vir Abram. Abram het hom Ismael genoem. ¹⁶Abram was 86 jaar oud toe Ismael gebore is.

Die Boodskap (CUM, 2006)

Die verhaal van Hagar en Ismael

¹Na al die jare was Abram se vrou, Sarai, steeds kinderloos. Uit frustrasie het sy haar Egiptiese slavin, Hagar, na Abram toe gevat en gesê: ²“Die Here het my nie 'n kind van my eie gegee nie. So, vat haar. Slaap by haar en laat haar kind ook my kind wees.” Vir Abram was dit 'n uitstekende plan.

³Hulle was immers al tien jaar in die land en nog niks het gebeur nie. Sarai het toe haar slavin, Hagar, die vrou uit Egipte, vir haar man, Abram, as byvrou gegee. ⁴Abram het by Hagar gaan slaap en sy het 'n kind verwag. Hagar het toe hoogmoedig geword en Sarai sleg behandel. ⁵Diep seergemaak het Sarai vir Abram gesê: “Dis alles jou skuld. Ek verdien nie om so beledig te word nie. Ek het haar vir jou gegee, maar toe sy sien sy verwag, het sy my begin verag. Laat die Here tussen my en jou oordeel.”

⁶Abram het toe gesê: “Dis jou slavin, maak met haar wat jy wil.” Sarai het haar toe so sleg behandel dat Hagar haar goed gevat en weggeloop het.

⁷Die Here het deur sy Engel vir Hagar by 'n fontein in die woestyn ontmoet. Dit is die fontein op die pad na Sur. Hy vra haar toe: “Hagar, Sarai se slavin, sê My, waarvandaan kom jy en waarheen gaan jy?”

⁸“Ek vlug van my eienares, Sarai, af weg,” het sy geantwoord.

⁹Die Here se Engel sê toe vir haar: “Gaan terug na daardie plek toe waar jy nie wil wees nie. Gaan terug na jou eienares en doen wat sy vir jou sê. ¹⁰Ek sal jou nageslag so baie maak dat hulle nie getel kan word nie.”

¹¹Die Here se Engel het ook nog verder gesê: “Jy verwag en binnekort sal jy 'n seun hê. Jy moet hom Ismael noem (dit beteken: ‘God het gehoor’), want die Here het jou gehoor toe jy in jou nood geroep het. ¹²Soos 'n wilde donkie in die veld sal jou seun wees. Vry en ongebonde sal hy leef. Niemand sal oor hom heers nie. Teen almal sal hy hom verset en almal sal hom probeer tem. Met sy eie mense sal hy in vyandskap leef.”

¹³Hagar het toe 'n naam vir die Here gegee: "U is die God wat mense raaksien en vir hulle sorg. Vandag het ek God gesien wat my raakgesien het." ¹⁴Tot vandag toe noem hulle die fontein die Beer-Lagai-Roï. Dit is die fontein daar tussen Kades en Bered.

¹⁵Hagar het na Abram en Sarai teruggegaan. Na 'n ruk is haar seun gebore. Abram het die kind Ismael genoem. ¹⁶Abram was 86 jaar oud toe Ismael gebore is.

Lees een van hierdie drie vertalings weer deur en skryf hier neer:

📖 Watter woord, beeld of sin staan vir jou uit?

📖 Wat beteken hierdie woord, beeld of sin vir jou?

Gesels saam



4. In die Bybel speel die verskillende name van Here 'n verskriklike belangrike rol. Elke naam beklemtoon 'n unieke kenmerk van die Here. Het jy geweet dat **Genesis 16:13** 'n naam van die Here noem wat nêrens anders in die Bybel te vinde is nie?
5. Wat beteken die naam El-Roï (Die God wat my sien), vir jou in jou omstandighede?
6. In Psalm 8:2 lees ons: ***"Here, ons Here, hoe wonderbaar is u NAAM oor die hele aarde,..."*** 'n Naam - iets wat elkeen van ons het. Sommige mense se name is interessant, terwyl mens wonder waarom ouers andere met sulke vreeslike name opgesaal het! **Skryf hier neer jou doopname:**

.....

.....

.....

Wat 'n storie kan jy vertel waar jou name vandaan kom?



In die tyd waarin ons leef, is daar min mense wie se naam 'n betekenis het. In die Bybelse tyd was dit egter 'n heel ander storie. Mense se name het gedui op hulle karakter of op iets wat hulle moes doen of was. So beteken die naam Abraham "Vader van baie" (wat hy geword het) en Jesus is die Griekse vorm van Joshua wat beteken: "Die Here red" (wat Jesus dan ook vir ons kom doen het).

God het ook verskeie Name wat vir Hom in die Bybel gebruik word. Elkeen van die Name vertel vir ons van 'n spesifieke karaktertrek van Hom of van **Wie Hy is of wat Hy doen.**



LEES die name, (*jy kan die teks en hoofstuk later op eie tyd lees*),
SKRYF hier neer wat hierdie naam vir jou beteken in jou
 omstandighede (**betekenis**):

Adonai – God het gesag/Hy wat in die hemel woon/Here; Meester;
 Eienaar; Besitreg – Psalm 2:4

Betekenis:

Die Naam ELOHIM of ELOAH (God) is die eerste Naam van God wat ons in die Bybel vind, daar aan die begin toe God die hemel en die aarde geskep het. Dit kom meer as 2300 keer in die Ou Testament voor, word meestal in sy meervoudsvorm gebruik en gekombineer met ander woorde beeld dit die volgende karaktertrekke van God uit:

Eloah **אלוה** – Die Een en enigste ware God

Eloah Kedem – Ewige God - Deuteronomium 33:27

Betekenis:

Eloah Mishpat – God wat reg laat geskied - Jesaja 30:18

Betekenis:

Eloah Selichot – God van vergewing - Nehemia 9:17

Betekenis:

Eloah Marom - Hoë God - Miga 6:6

Betekenis:

Eloah Mikarov - God van naby - Jeremia 23:23

Betekenis:

Eloah Mauzi - God van my toevlug - Psalm 43:2

Betekenis:

Eloah Tehilati - God van my lof - Psalm 109:1

Betekenis:

Eloah Yishi - God wat red - Psalm 18:47 en Psalm 25:5

Betekenis:

Eloah Elohim - God van die gode - Deuteronomium 10:17

Betekenis:

Elohim אֱלֹהִים is die meervoud van EL (of self Eloah) en dit is die eerste Naam van God wat ons lees in Genesis 1:1.

Elohim Kedoshim - Heilige God - Levitikus 19:2, Josua 24:19

Betekenis:

Elohim Gajim - Lewende God - Jeremia 10:10

Betekenis:

Elohim Elyon - God, die Allerhoogste – Psalm 7:18

Betekenis:

EL  word ongeveer 220 keer in die Ou Testament gebruik. Om 'n beskrywing van God te beklemtoon, word dit dikwels in kombinasie met ander woorde gebruik. El self beteken Die Sterk Een; Magtige Een; Skepper.

El HaNe'eman - Die getroue God - Deuteronomium 7:9

Betekenis:

El HaGadol - Die groot God - Deuteronomium 10:17

Betekenis:

El HaKadosh - Die heilige God - Jesaja 5:16

Betekenis:

El Yisrael - Die God van Israel - Psalm 68:36

Betekenis:

El HaShamayim - Die God van die hemel - Psalm 136:26

Betekenis:

El De'ot - God van diepe kennis - 1 Samuel 2:3

Betekenis:

El Emet - God van trou - Psalm 31:6

Betekenis:

El Yeshuati - God my Redder - Jesaja 12:2

Betekenis:

El Elyon - Die Allerhoogste God - Genesis 14:18

Betekenis:

Immanu El - God met ons - Jesaja 7:14

Betekenis:

El Olam - Ewige God - Genesis 21:33

Betekenis:

El Echad - Die Een God - Maleagi 2:10

Betekenis:

El Roi – God die alsiende Een; die God wat my sien – Genesis 16:13

Betekenis:

El Sjaddai – God Almagtig; God wat voorsien, bevredig – Genesis 17:1

Betekenis:

El-Berit – Maker en Houer van sy verbond – Rigters 9:46

Betekenis:

ELAH אֱלֹהִים kom ongeveer 70 keer in die Ou Testament voor. Weereens sien ons verskillende karaktertrekke van God wanneer hierdie Naam met ander woorde gekombineer word:

Elah Yerush'lem - God van Jerusalem - Esra 7:19

Betekenis:

Elah Yisrael - God van Israel - Esra 5:1

Betekenis:

Elah Sh'maya - God van die hemel - Esra 7:23

Betekenis:

Elah Sh'maya V'Arah - God van hemel en aarde - Esra 5:12

Betekenis:

JAHWE (Jehovah) יהוה יהוה Hierdie naam kom oor die 6500 keer in die Bybel voor. Vir die Jode was hierdie naam so heilig dat hulle nooit vokale by die konsonant letters bygevoeg het nie, dus dit kon nooit uitgespreek word nie. Kombineer met ander woorde dra dit bepaalde betekenisse:

Jahwe Elohim - Die Here God - Genesis 2:4, 3:9, 13 en 21

Betekenis:

Jahwe Jirej - Die Here voorsien - Genesis 22:14

Betekenis:

Jahwe Nissi - Die Here, my banier (oorwinningsvlag); Die Here gee my oorwinning- Exodus 17:15

Betekenis:

Jahwe Rapha - Die Here wat genees - Exodus 15:26

Betekenis:

Jahwe Sjalom - Die Here gee rus/vrede - Rigters 6:24

Betekenis:

Jahwe Tsidkenu - Die Here regeer regverdig - Jeremia 23:6

Betekenis:

Jahwe Mekadidsjkem - Die Here wat heilig - Levitikus 20:8

Betekenis:

Jahwe Sabaot - Here van die leërskaars - 1 Samuel 1:3 (Ou Vertaling)

Betekenis:

Jahwe Sjamma - Die Here is daar - Esegël 48:35

Betekenis:

Jahwe Rohi - Die Here, my herder - Psalm 23:1; 80:1

Betekenis:

Jahwe Hosenu - Die Here ons Skepper - Psalm 95:6

Betekenis:

Jahwe El Gemuwal - Here God wat vergeld - Jeremia 51:56

Betekenis:

Jahwe Sjapat - Die Here is ons regter - Genesis 18:25

Betekenis:

Jahwe Gaolika – Die Here is my verlosser – Jesaja 44:24

Betekenis:

Jahwe sur – Die Here is my rots, my toevlug, my skuilplek – Psalm 62:7

Betekenis:

Hierdie is slegs 'n paar van die belangrikste Name wat vir God gebruik word in die Ou Testament (Hebreeus), in die Nuwe Testament (Grieks) word die Naam **theos (θεός)**; Jesus (**Ἰησοῦς**) – *Die Here is redder*; Christus (**Χριστός**) – *gesalfde*; Here (**κύριος**) – *meester*, gebruik. Die Name en titels vir Jesus wat ons in die Bybel aantref, beskryf sommige kenmerke van Jesus, soos sy liefde, genade, majesteit, krag, ensovoorts, maar ook sy Middelaarswerk vir ons.

In hierdie name hoor ons wie God is en wat Hy in jou lewe kan doen.



GEBED: Dankie, ons Here, dat ons in U alles het wat ons ooit mag nodig kry. Dankie dat U vir ons meer as genoeg is! (*Skryf jou eie woorde verder in:*)

Verhaal van HOOP:

(Jou eie verhaal toe jy ontdek het wie God is en wat Hy vir jou kan doen. As daar tyd aan die einde is, kan dit aan mekaar vertel word.)

Kyk na die Video-Clip van Onbeskaamd: Die Een wat my sien.wmv
(<http://www.youtube.com/watch?v=CTwBZZyo6XA>)

Hier is die woorde van die lied:

DIE EEN WAT MY SIEN

(Woode: E. J. van Veuren, musiek deur Stass)

Intro:

Vers 1:

Vir die wêreld is ek net 'n nommer
'n Korreltjie sand in die groot heelal
Is daar iemand wat my raaksien
Wat omgee en verstaan

Koor:

Hy is die God wat my sien
Die Een vir wie ek saak maak
Die Een wat my naam ken
El Roi – die God wat my sien

Vers 2:

Die wêreld se opinie maak nie meer saak
Ek leef vir my Skepper en Hom alleen
Hy noem my Sy kind, Sy erfgenaam
Hy weet wie ek is!

Koor: 2x

Bridge:

Aan die God van die Eeue, die groot Ek is
Gee ek my lewe, my alles
Hy's die God wat vir ewig my hart besit
Hy is die Een wat my sien

Koor: 2x

'n Paar jaar gelede het ek na 'n videoclip van Nicole Johnson gekyk wat my nogal diep geraak het. Sy vertel hierin van haar eie "onsigbaarheid." Algaande het sy agtergekom haar kinders en haar man kyk soms dwarsdeur haar. Toe haar een kind se juffrou eendag vir een van haar kindertjies gevra het wie die tannie is wat saam met hom stap, antwoord dié so ewe: "Nobody!" Toe skenk een van haar vriendinne eendag aan haar 'n boek oor al die groot katedrale van Europa. Daarin leer sy toe die les van haar lewe, en dit is dat baie van die katedrale uit die vorige eeue meer as een generasie geneem het om te voltooi en dat die meeste bouers en vakmanne wat hieraan gewerk het onbekend is. "Builder unknown," is die nota by omtrent elke bouwerk. Toe iemand juis eendag vir een van die vakmanne gevra het hoekom hy soveel tyd spandeer aan een of ander stukkie bouwerk by 'n katedraal wat versteek sou wees onder pilare, het hy geantwoord: "God sees!" Wyse woorde!

Al sien niemand anders wat ons doen nie; God sien! Al weet niemand wat ons vir ander doen nie, God weet! Al hoor niemand ons gebede nie, God hoor! Al voel niemand ons pyn nie, God voel! Uiteindelik is dit al wat saakmaak. Soos wat ek aldag sê: "Ons speel vir 'n Gehoor van EEN." Net sy goedkeuring maak op die ou end saak. Net Syne!

Gaan kyk gerus hoe Nicole Johnson hierdie aangrypende verhaal self vertel: <http://www.youtube.com/watch?v=9YU0aNAHXP0&feature=youtu.be>
(Dr. Stephan Joubert)

Merk een asseblief

Het jy HOOP? *Beslis Ja* ☐ *Ja* ☐

Miskien ☐

Nee ☐ *Beslis nie!* ☐

Opdrag:

**SKRYF HIERDIE WEEK NEER WAAR JY DIT BELEEF HET
DAT GOD JOU RAAKGESIEN HET.**

(Dink aan die geleenthede waar jy beslis HOOP gekry het omdat jy beleef het dat God vir jou raakgesien het en iets vir jou kom doen het.)

Maandag:

Dinsdag:

Woensdag:

Donderdag:

Vrydag:

Saterdag:

Tekste oor God se ALMAG

Numeri 14:11

Eksodus 14:15-31

Rigters 7

Daniël 6


Kies vir jou 'n stel verse van hier bo en gaan lees daardie verse êrens alleen – Lees die stel verse 'n tweede maal deur. Skryf die hoofpunte of dit wat vir jou uitstaan hier neer:



Praat dan 'n paar woorde met die Here oor hierdie verse:



HUISGELOOF:




Maak tyd in die komende week om die volgende deel saam met jou pa en ma (boeties en sussies) te doen:

- ⊙ Lees die teks van **Genesis 16:1-15** saam *(In enige vertaling.)*
- ⊙ Deel met mekaar wat vir jou uitstaan in hierdie verse.
- ⊙ Kyk saam na die video-clip:
<http://www.youtube.com/watch?v=9YU0aNAHXP0&feature=youtu.be>
- ⊙ Vertel aan jou ouers van die geleenthede wat jy in jou lewe beleef het toe jy gevoel het niemand sien jou raak nie *(Dit kan jou ouers/onderwysers/ander kinders wees wat jou so behandel.)*
- ⊙ Vertel aan jou kind(ers) van die geleenthede waar hulle jou behandel asof jy nie daar is nie. *(Wees spesifiek en vertel aan hulle wat jou belewenis van sulke geleenthede is.)*
- ⊙ Vertel aan mekaar wat julle dink daarvan dat jy miskien onsigbaar vir ander kan wees, maar dat die Grote God jou wel raaksien. *(Bemoedig mekaar met hierdie wete: God sien my!)*
- ⊙ Kyk saam na die Video-Clip:
<http://www.youtube.com/watch?v=CTwBZZyo6XA>
- ⊙ Bid saam oor:
 - ☹ julle geleenthede waar julle voel niemand sien julle raak nie...
 - 😊 Dank die Here dat Hy jou/julle elke oomblik raaksien...

Week 4 Hoop wat groei en groei

Hoe hou ek my hoop lewendig?

Kom ons bid....



Merk een asseblief

Het jy HOOP? Beslis Ja ☐ Ja ☐
 Miskien ☐
 Nee ☐ Beslis nie! ☐

Aan die einde van die les gaan jy weer 'n geleentheid kry om te merk en so ook by elke les se begin en einde

- mag jou HOOP groei en groei... -

Die uitkoms

Kom ...

- kry die kans om te ontdek hoe jy jou HOOP kan behou te midde van al die aanslae van die lewe,
- kry die kans om te ontdek wat HOOP vir jou beteken as jy swaarkry in die lewe
- kry die kans om 'n stukkies van die HERE se WOORD opnuut of vir die eerste keer te hoor en te verstaan.

Miskien....

- 💧 mag jy soms voel dat HOOP nie iets is wat 'n mens kan behou nie,

- ◆ mag jy soms voel dat daar **niemand** is wat ooit na jou luister en jou kan help nie,
- ◆ mag jy soms net bang wees...

Kortom

Hierdie ontmoeting sal jou laat ontdek hoe jy jou HOOP kan behou te midde van alles wat die lewe na jou kant toe gooi.

Vandag se spreuk:

HOOP is een van die kosbaarste besittings. Niemand is absoluut verlore solank hulle nog 'n sprankie **HOOP** het nie. En soos ons almal uit ervaring weet, word daardie vuurtjie nooit heeltemal geblus nie. (*William Hazlit*)



Kyk na die volgende **video-clip**: **THE FOUR CANDLES**
(VID-2013113-WA000.mp4)

1. Wat het jy geleer uit die spreuk en die uitbeelding daarvan deur die Video-clip?
2. Watter HOOP gee dit vir jou in die lewe?
3. Dink jy dit is moontlik om HOOP altyd te behou?

JA ☐

MISKIEN ☐

NEE ☐

Romeine 8:31-39



Jy kan dit gerus in die Nuwe Vertaling (1983) gaan lees.

Ons gee vir jou nog twee ander vertalings van hierdie verse:

Die Bybel direkte vertaling (Die Bybelgenootskap van SA -2014):

God se liefde staan onwrikbaar vas

³¹ Wat sal ons dan hiervan sê? As God vir ons is, ^a wie kan dan teen ons wees?

³² Hy wat selfs sy eie seun nie gespaar het nie, maar Hom ter wille van ons oorgelewer het ^b – sal Hy nie ook saam met Hom alles aan ons skenk nie? ^{33 c}

Wie sal die uitverkorenes van God aankla? God is die een wat vrysprek! ³⁴

Wie sal ons veroordeel? Christus Jesus het gesterf – meer nog: Dit is Hy wat opgewek is, wat ook aan die regterhand ^d van God sit ^e en wat vir ons intree ^f. ³⁵

Wat sal ons van die liefde van Christus skei? Swaarkry of benoudheid of vervolging, honger of naaktheid, gevaar of swaard? ³⁶ Soos daar geskrywe staan:

“Ter wille van U word ons die hele tyd aan die dood uitgelewer, word ons soos slagskape behandel.” ^g

^{37 h} Maar is alles is ons selfs meer as oorwinnaars deur Hom wat sy liefde aan ons bewys het. ³⁸ Ek is immers daarvan oortuig dat geen dood of lewe of engele of magte of teenswoordige of toekomstige gebeure, of kragte, ³⁹ of hoogte of diepte of enigiets anders in die skepping ons kan skei van God se liefde wat daar in Christus Jesus ons Here is nie.

===== Voetnotas:

^a **8:31** As ... as: Psalm 118:6

^b **8:32** Hy wat ... oorgelewer het: Johannes 3:16

^c **8:33** Jesaja 50:8

^d **regterhand:** 'n Posisie aan die regterhand van 'n persoon is gesien as 'n posisie van voorrang.

^e **wat ook ... sit:** Sinspeling op Psalm 110:1 as heenwysing na Jesus Christus

^f **8:34** en wat ... intree: 1 Johannes 2:1

^g **8:36** Ter wille ... behandel: Psalm 44:23: 2 Korintiërs 4:11

^h **8:37** Johannes 16:33

Die Boodskap (CUM, 2006)

God se liefde is vir altyd by ons

³¹Wat is ons gevolgtrekking oor alles wat ons tot nou toe gesê het? Dít: God is aan ons kant. Wie sou dit dan nog waag om teen ons te wees? ³²God gee so baie vir ons om dat Hy nie eens sy eie Seun se lewe gespaar het nie. God het Hom in ons plek laat doodgaan. As Hy bereid was om so ver vir ons te gaan, sal Hy mos enigiets vir ons doen.

³³Wie kan dit nou nog waag om 'n aanklag teen ons in te bring? Niemand nie! Ons is immers deur God self as sy kinders uitgekies. Boonop het Hy ons van al ons sondes vrygespreek.

³⁴Wie kan dit nou nog waag om ons te veroordeel? Christus Jesus is mos aan ons kant. Hy is in ons plek dood. God het Hom ook weer lewendig gemaak. Christus het nou die heel belangrikste posisie in die hemel. Daarom kan Hy nou ons saak by God suksesvol verdedig.

³⁵Wat kan ons nou nog skei van Christus se liefde vir ons? Swaarkry, probleme, vervolging, hongerpyne, 'n tekort aan klere, gevare, of dalk geweld? Nie een van hierdie dinge nie! Nie eens die grootste probleme waarvan daar in die Bybel gepraat word, kan ons ooit van Christus skei nie. ³⁶Daar staan juis in een van die psalms:

“Here, ter wille van U word ons healtyd doodgemaak. Ons is soos 'n klomp slagskape wat reg staan om geslag te word.”

³⁷Al gebeur hierdie verskriklike dinge met ons, is ons nogtans oorwinnaars. Ons deel in Christus se reuse-oorwinning omdat Hy ons baie liefhet. ³⁸Daarom is ek heeltemal seker dat niks wat met ons gebeur ons ooit van God se liefde kan skei nie. Nie eens die dood of enigiets in hierdie lewe nie. Ook nie slegte engele of ander bonatuurlike magte nie. Ook nie iets wat dalk vandag of môre met ons kan gebeur nie. Ook nie enige buitengewone kragte nie. ³⁹Selfs nie die hoogste berg of die diepste see hier op die aarde nie. Letterlik niks in hierdie

skepping kan ons ooit van God se liefde skei nie. Hy het vir ons kom wys hoe lief Hy ons het toe ons Here, Christus Jesus, in ons plek doodgegaan het.

Lees een van hierdie drie vertalings weer deur en skryf hier neer:

📖 Watter woord, beeld of sin staan vir jou uit?

📖 Wat beteken hierdie woord, beeld of sin vir jou?



KYK NA DIE DVD

Wat het jy gesien en gehoor?

Romeine 8 is 'n geloofsverklaring van iemand wat 'n pad met die Here gestap het en daarmee saam is dit 'n boodskap van **HOOP** vir elkeen van ons wat glo


GESELS SAAM

4. Watter dinge neem mense se **HOOP** weg? Skryf dit in die eerste kolom. Skryf dan in die tweede kolom dít neer wat Paulus bely, waardeur hy sê dat hy te midde van die bedreigings sy **HOOP** behou.

Die bedreiging	Die Belydenis
Vers 33:	
Vers 34:	
Vers 35:	

5. Waarop bou ons ons **HOOP** wanneer ons met ons wêreldbrein dink?
 6. Wanneer verloor dáárdie **HOOP** sy krag?
 7. Waarop moet Christene hulle **HOOP** bou?
 8. Noem vir mekaar maniere om **HOOP** bymekaar te maak vir die moeilike tye wat iewers gaan kom.
 9. Hoe belangrik is jy vir God? (vers 31 en 32)
 10. Hoe belangrik is God vir jou op 'n skaal van 1 tot 10
(Merk – wees regtig eerlik!)
- 110
11. Noem die bedreiginge wat ons nou moet hanteer:
(kyk na alles wat verse 35, 38, 39 noem)

12. Skryf nou jou eie eenvoudige geloofsbelydenis neer oor God en jou **HOOP** op HOM:



Besluit watter tyd van elke dag (minstens hierdie week) gaan jy dit hardop vir jouself sê.

TYD:

Kontroleer jouself by die Opdrag dat jy dit wel gedoen het.

Staan op en sê as groep die belydenis in vers 38 en 39 saam op.



Stuur per sms iets van die boodskap van Romeine 8:31-39 vir 'n vriend/in wat jy weet deur 'n moeilike tyd gaan.

As jou selfoon hier is, doen dit sommer nou.



Verhaal van HOOP:



Martin Luther, die groot kerkhervormer, het iets van hierdie 'stryd' met geloof verstaan. Hy skryf dan oor geloof:

“Geloof is om te sien wat jy nie kan sien nie, en nie te sien nie wat jy sien.”



Geloof is om dieper te kyk as wat jou oë kan sien en dié dinge raak te sien wat jy nog nie met jou gewone oog kan sien nie en terselfdertyd om die dinge wat jy met jou gewone oog sien, as't ware mis te kyk, daar verby te kyk en dieper te kan sien, tot by God te kan sien. Want dan weet jy – Hy is hier. En Hy het my lief!

Dit is die HOOP wat in ons leef en solank ons die oog op Jesus hou kan ons die wedloop – die lewe – wat vir ons voorlê, met volharding hardloop (Hebreërs 12:1-2)

Onthou Hebreërs 11:1 sê:

Om te glo, is om seker te wees van die dinge wat ons HOOP, om oortuig te wees van die dinge wat ons nie sien nie.


Kyk na die Video-clip:

<http://www.youtube.com/watch?v=9p8Lef6IdoM>

(Joe Niemand – Ek sal nie bang wees nie...)

Speel en luister:

U's my God



– Luidkeels Dieper van Retief Burger en Riana Nel (CD: Luidkeels Dieper)

VERSE 1

Die wat glo in die redding van die Here
Vind hul rus in die skadu van die heilige God
Die Almagtige

VERSE 2

Ek sal sê die Here is my vesting
Ek sal sê die Here is my toevlug en krag
My God wie ek vertrou

Chorus

U's my God, ek vertrou U grote Naam,
Die wat glo, sal U nooit ooit beskaam,
My God in wie ek glo, Op U sal ek vertrou x 2

VERSE 3

In donker tye as geloof en hoop getoets word
En alles wat bekend is in 'n oomblik verdwyn
Bly U getrou
(Verse 2)

BRIDGE: X 3

Halleluja, Halleluja, Halleluja, Halleluja
Op U sal ek vertrou
(On 3rd Repeat - BREAK to Chorus)

Merk een asseblief

Het jy HOOP? Beslis Ja ☐ Ja ☐

Miskien ☐

Nee ☐ Beslis nie! ☐

Opdrag:

**SKRYF HIERDIE WEEK NEER WANNEER JY JOU
EENVOUDIGE GELOOFSBELYDENIS OOR GOD EN JOU
HOOP OP HOM HERHAAL HET EN WAT DIT VIR JOU
BETEKEN HET...**

(Jou eenvoudige geloofsbelydenis het jy in die klas geformuleer. Sien bladsy 53.)

Maandag:

Dinsdag:

Woensdag:

Donderdag:

Vrydag:

Saterdag:

Tekste oor vrees/bang wees

Josua 1:9

Jesaja 35:4-10

Jesaja 43:1-7

Matteus 14:22-33


Handelinge 27:13-28:9

Kies vir jou 'n stel verse van hier bo en gaan lees daardie verse êrens alleen – Lees die stel verse 'n tweede maal deur. Skryf die hoofpunte of dit wat vir jou uitstaan hier neer:



Praat dan 'n paar woorde met die Here oor hierdie verse:





HUISGELOOF:


Maak tyd in die komende week om die volgende deel saam met jou pa en ma (boeties en sussies) te doen:

- ⊙ Lees die teks van **Romeine 8:31-39** saam *(In enige vertaling.)*
- ⊙ Deel met mekaar wat vir jou uitstaan in hierdie verse.
- ⊙ Skryf elkeen in die gesin 'n eenvoudige geloofsbelydenis neer op 'n aparte papier. *(Jy as tiener het dit reeds in die klas gedoen – dus jy hoef nie weer neer te skryf nie.)*
- ⊙ Elkeen lees sy eenvoudige geloofsbelydenis voor aan dié ander. *(Luister baie aandagtig na mekaar s'n.)*
- ⊙ Uit almal se eenvoudige geloofsbelydenisse stel julle nou as gesin een eenvoudige geloofsbelydenis vir julle as gesin saam. *(Praat saam om iets van elkeen in te sluit in julle gesin se eenvoudige geloofsbelydenis.)*
- ⊙ Sê dit saam hardop op en maak iets **kreatief** as gesin wat julle êrens in julle huis kan opsit om dit gereeld te sien en so julle HOOP op God lewend te hou.
- ⊙ Kyk saam na die video-clip:
<http://www.youtube.com/watch?v=9p8Lef6IdoM>
 (Joe Niemand – Ek sal nie bang wees nie.)
- ⊙ Bid saam oor:
 - ☹ die geleenthede waar iemand van die gesin HOOP verloor...
 - 😊 Dank die Here dat Hy altyd daar is en sy Liefde vir julle so sterk is...

Week 5 Hoop wat groei en groei

Wees 'n hoopdraer! - Gee 'n antwoord vir ander...

Kom ons bid....



Merk een asseblief

Het jy HOOP? Beslis Ja ☐ Ja ☐

Miskien ☐

Nee ☐ Beslis nie! ☐

Aan die einde van die les gaan jy weer 'n geleentheid kry om te merk en so ook by elke les se begin en einde

- mag jou HOOP groei en groei... -

Die uitkoms

Kom ...

- kry die kans om te ontdek hoe jy jou HOOP kan uitleef en so ook ander help met hulle HOOP,
- kry die kans om te ontdek wat HOOP as lewenstyl beteken,
- kry die kans om 'n stukkies van die HERE se WOORD opnuut of vir die eerste keer te hoor en te verstaan.

Miskien....

- ◆ mag jy soms voel dat jy êrens op 'n woestynpad is, sonder HOOP,
- ◆ mag jy soms voel dat **niemand** tog na jou ooit luister as jy aan hulle HOOP wil oordra nie,
- ◆ mag jy soms self moedeloos voel en wens dat daar iemand is wat jou kan uithelp uit hierdie gevoel.

Kortom

Hierdie ontmoeting sal jou laat ontdek hoe jy HOOPDRAER kan wees selfs wanneer jyself in die woestynpad van die lewe verkeer.

Hierdie ontmoeting sal jou laat ontdek hoe jy ander HOOPDRAERS in jou lewe moet ontvang.

Vandag se spreuk:

As **HOOP** nie in ons oor gefluister het dat môre beter sal wees nie; hoe sou enigeen die moed hê om deur vandag te kom? (*Robert Burns*)



1. Het jy dit al in die lewe beleef dat iemand vir jou sê: **“HOU MOED....”**
2. Wat was jou reaksie op hierdie woorde?
3. Het jy al vir iemand moed ingepraat?
4. Waarom was die ander persoon moedeloos?
5. Wat was die ander persoon se reaksie?



KYK NA DIE DVD

Wat het jy gesien en gehoor?

1 Petrus 3:13-16



Jy kan dit gerus in die Nuwe Vertaling (1983) gaan lees.

Ons gee vir jou nog twee ander vertalings van hierdie verse:

Interliniêre Bybel Grieks – Afrikaans Nuwe Testament (CUM 2012)

(Griekse teks: Nestle-Aland, Novum Testamentum Graece, 27th Revised Edition)

¹³Καὶ τίς ὁ κακῶσων ὑμᾶς ἐὰν τοῦ
En wie die wat sal sleg behandel julle as dit die

ἀγαθοῦ ζηλωταὶ γένησθε; ¹⁴ἀλλ' εἰ καὶ
goeie entoesiaste julle word? maar as selfs

πάσχοιτε διὰ δικαιοσύνην, μακάριοι.
julle sou ly ter wille van wat reg is, gelukkig.

τὸν δὲ φόβον αὐτῶν μὴ φοβηθῆτε μηδε
die en vrees vir hulle nie julle moet vrees en nie

ταραχθῆτε, ¹⁵κύριον δὲ τὸν Χριστὸν
julle moet ontsteld wees, as Here maar die Christus

ἀγιάσατε ἐν ταῖς καρδίαις ὑμῶν, ἑτοιμοὶ
heilig in die harte van julle, gereed

ἀεὶ πρὸς ἀπολογίαὶν παντὶ τῷ αἰτοῦντι
altyd vir verdediging teenoor enigeen die wat vra van

ὑμᾶς λόγον περὶ τῆς ἐν ὑμῖν ἐλπίδος,
julle verduideliking oor die in julle hoop

¹⁶ἀλλὰ μετὰ πραΰτητος καὶ φόβου, συνείδησιν
maar met nederigheid en respek, gewete

ἔχοντες ἀγαθήν, ἵνα ἐν ᾧ καταλαλεῖσθε
terwyl julle het skoon, sodat wanneer julle word kwaadgepraat van

καταισχυνθῶσιν οἱ ἐπηρεάζοντες ὑμῶν τὴν
hulle kan skaam gemaak die wat beswadder van julle die

ἀγαθήν ἐν Χριστῷ ἀναστροφὴν.
goeie in Christus leefstyl.

Die Boodskap (CUM, 2006)

In julle lewe moet net plek vir Christus wees

¹²⁻¹³As julle regtig probeer om goed te leef, sal mense julle gewoonlik nie sleg behandel nie. ¹⁴Maar as julle moet swaarkry juis omdat julle doen wat reg is, is julle eintlik gelukkig. Moet net nie vir mense bang word en die kluts kwytraak nie. ¹⁵Julle moet eerder wys dat daar in julle lewe net vir Een plek is, naamlik vir Christus, die Here. As iemand julle uitvra oor die dinge wat God julle beloof het en waarna julle so uitsien, gryp die kans aan. Vertel hulle daarvan. ¹⁶Doen dit mooi, met eerbied vir God, sonder om windmakerig te wees. Sorg dat julle altyd doen wat julle weet reg is. Dit sal die mense wat so lelik van julle praat omdat julle Christelik optree, belaglik maak, juis omdat hulle julle probeer swartsmeer. ¹⁷As God dit toelaat dat ongelowige mense julle sleg behandel, is dit darem baie beter dat hulle dit doen omdat julle goed en reg optree, soos Christene behoort op te tree, eerder as dat hulle julle so behandel omdat julle julle sleg gedra.

Lees een van hierdie drie vertalings weer deur en skryf hier neer:

✎ Watter woord, beeld of sin staan vir jou uit?

📖 Wat beteken hierdie woord, beeld of sin vir jou?

GESELS SAAM

6. Indien iemand sou sê:

“Dit gaan nie goed nie, niemand kan help nie.”

of

“Dit gaan nie goed nie, God is so ver!”

of

“Dit gaan nie goed nie, niemand hoor en verstaan my nie.”

➤ ***Wat sou jou reaksie wees?***

➤ ***Wat sou jy sê en wat sou jy doen vir daardie persoon?***

➤ ***Hoe sou jy die gedeelte wat ons gelees het in dié situasie kon gebruik?***

7. Vertel vir mekaar oor ’n tyd / geleentheid toe jyself op moed-verloor-se-vlakte was...

➤ ***Wat het jy ervaar?***

- **Wie / wat het jou deurgedra?** (*Ons almal weet dat dit die Here was wat jou deurgedra het, maar deur watter persoon(e) het Hy dit gedoen? – Skryf die naam hier neer:*

.....

- **Het jy al vir daardie persoon(e) dankie gesê?**

JA ☐ KAN NIE ONTHOU NIE ☐ NEE ☐

Indien NEE, gaan doen dit vandag al is dit net om 'n SMS te stuur. Jy kan dit ook nou doen!

- **Wat het jou verhouding met God die Vader, in die Here Jesus Christus, vir jou in hierdie “woestynervaring”¹ beteken?**

¹ **Woestynervaring:** *is tye in jou lewe van swaarkry en beproewing vanweë verskeie redes: siekte, eensaamheid, depressie, onervulde drome, sinkende besighede, swak ekonomiese toestande, oorwerktheid, uitbranding, vrees vir mislukking, ongevraagde verandering. Dit voel of jy willoos heen en weer geslinger word deur omstandighede. Jy is slagoffer en kan nie greep op die situasie kry nie. Jy verloor perspektief. Dikwels word jy dan deur vrees gedryf en is dit of meeste dinge vir jou te veel word. Jou energievlaakke daal en dit is asof jy nie krag het om te leef nie!*

- **Het jy al vir die Here dankie gesê omdat HY jou deur hierdie woestynervaring gedra het?**

JA ☐ KAN NIE ONTHOU NIE ☐ NEE ☐

Maak nie saak wat jou antwoord is nie, sê sommer nou weer in stil gebed vir die Here dankie...

8. Wat sê die Here vir jou in **1 Petrus 3:13-16a** oor hoe jy 'n **draer** van **HOOP** kan wees?

9. Wat dink julle beteken dit om 'n lewenstyl van HOOP te leef?

Oral om ons is mense sonder hoop! Julle is DRAERS van HOOP wat groei en groei! Skryf hier neer minstens twee maniere oor hoe julle hierdie week HOOP in julle omgewing gaan gee en leef:

1.

2.

Verhaal van HOOP:

(Lekker lees later...)

In die boek: **Leer Leef met Jesus** – skryf ds. Gys van Schoor sy woestynverhaal. Hy vertel hierdie verhaal so dat elkeen van ons ook iets daaruit kan leer. Lees sy verhaal en sien waar pas jou belewenisse in en wat jy uit sy verhaal vir jou woestynervaring kan leer:

So 10 jaar gelede het my lewe uitmekaar geval. Dit was 'n traumatiese ervaring en die slegste tyd van my lewe. Alles wat ek van die Christelike geloof en lewe en van God verstaan het het nie meer sin gemaak nie. Dit was die slegste tyd van my lewe. Ek het aan God en aan sy bestaan getwyfel.

Vandag as ek terugkyk, beskou ek daardie donker tyd as die beste tyd van my lewe, want dit het vir my groot seën gebring. Die seën was egter iets anders as wat ek verwag het en het daarin gelê dat my perspektiewe oor die Christelike lewe radikaal verander het

Ek wil graag iets van my woestynpad met jou deel. Ek doen dit aan die hand van 'n "padkaart" wat ek saamgestel het.

Padkaart van die woestynpad

Die vertrek: entoesiasies en vol verwagting!

So het ek ongeveer 34 jaar gelede die geloofspad begin. Ek het geglo in 'n almagtige en liefdevolle God en Vader wat vir my sal sorg en ek het met die verwagting geleef dat dit altyd met my min of meer goed sou gaan.

Woestyn

Ek het aanvaar dat 'n mens soms moeilike tye beleef. Ek het immers self verskeie moeilike tye beleef en het geweet dat donker tye deel van die geloofspad is. Ek het egter nie verwag dat my pad met God deur 'n woestyntydperk wat jare sou duur, sou gaan nie. Die mat was onder my voete uitgeruk, en alles om en in my het in duie gestort

Die kermgebed: Here help

Aanvanklik het ek gedink ek kan die woestyn vryspring, daarom het ek gebed: Here help! Kry my hier uit! Ek het met die verwagting geleef dat my gebed verhoor sou word. Ek moes net geduldig wees en die Here vertrou. Ek het myself oortuig dat hierdie maar net nog 'n slegte tyd in my lewe was. Die uitkoms was naby, want God is immers getrou.

Die ontugtering: Die gebed word nie beantwoord nie.

Gaandeweg het dit egter vir my duidelik geword dat my ernstige smeekgebede nie beantwoord gaan word nie. Ek het gevrees dat ons alles gaan verloor En toe het ons ons huis verloor en kort daarna het een van ons kinders ernstig siek geword.

Die pyn, donkerte, verwarring en alleenheid

Ek het nog nooit so alleen en van God verlate gevoel nie. Alles wat ek gedink het ek van God weet alles wat ek van die Christelike geloof en Christelike lewe verstaan het, het nou nie meer sin gemaak nie.

Vernietigde drome

Ek is 'n dromer en dit was daarom pynlik om te besef dat al my drome vernietig is. Ek het my diepste menswees verloor. Ek het ervaar dat God teen my gedraai het. Daar was letterlik nie geld vir kos nie en ek was vir die eerste keer in my lewe desperaat.

Die beskuldiging: God is onregverdig

Baie vrae het in my binneste begin maal: Wat het **ek** verkeerd gedoen? Waarom straf U **my**? Wat het geword van al U beloftes?

Ek weet nie presies hoe dit gebeur het nie, maar van die begin af het ek besluit om eerlik met myself op die woestynpad te loop. Ek het myself toegelaat om te voel wat ek voel en die vrae te vra wat ek wou vra. Ek het vir God begin sê presies hoe ek voel en wat ek dink

Die woede: Waar is God?

Toe een van ons kinders 'n paar weke nadat ons ons huis verloor het, ernstig siek word, was ek woedend vir God. Dit was die laaste strooi.

Hoe is dit moontlik dat Hy vir wie ek my beroep en my lewe prysgegee het, so iets met my laat gebeur? Nie eers my aardse pa sou dit aan een van sy kinders doen nie!

Die geloofskrisis

Ek was vasgevang in 'n geweldige geloofskrisis. Ek het geglo in 'n **almagtige** God en **liefdevolle Hemelse Vader** en daarom kon Hy iets aan my situasie gedoen het. En Hy het niks gedoen nie ... Ek het getwyfel oor wie God is en of Hy werklik bestaan.

God het Hy my teenstander geword

Vir die eerste keer in my lewe het Klaagliedere 3:1-20 vir my sin gemaak. In hierdie verse sê die gelowige:

- God het verander
- God het nie woord gehou nie.
- God het teen my gedraai.
- God is anders as die God wat ek geken het.
- Alles is verlore en daar is geen **HOOP** nie.
- Alle sekerhede is daarmee heen; ook my sekerheid van God.

Dit was ook op my lewe van toepassing en ek het hiermee saamgestem.

Die stilte: Is daar 'n God?

Na die woede het daar 'n stilte gekom. Dit was die gevaarlikste deel van my pad. Ek was op die punt om uit geloof weg te stap.

Die nuwe soeke - na God!?

Daar was 'n tweede deel van die pad wat ek steeds as stilte beskryf, maar hier het die **HOOP** begin deurbreek Dit het nou en dan onverwags gebeur. Soms terwyl ek die motor bestuur sou 'n spontane gedagte by my opkom: "Gys, dit is Ek wat met jou besig is. Ek is besig met die grootste rekonstruksie van jou lewe." Aanvanklik het ek die gedagtes met minagting verwerp. In die volgende maande sou die gedagtes egter telkemale in onverwagte situasies opduik.

Ek het nie verwag dat daar na die stilte weer by my 'n honger en dors na God sou ontstaan nie. Maar dit is presies wat uit die stilte gebore is. Stadig maar seker het ek myself in die woorde van die psalm-digter begin vind: "Ek soek U o God, my God, ek dors na U; ek smag na U soos 'n dor en droë land, 'n land sonder water" (Psalm 63:2) "Uit my vertwyfeling roep ek na U ..." (Psalm 42:7) "Hoor tog my hulpgeroep o God..." (Psalm 61:1)

Hierdie honger en dors was iets wat ek nie self kon opwerk nie. Dit het van die Anderkant af gekom. Dit was 'n honger en dors na God self.

Die heroriëntasie

Gedurende hierdie tyd het ek maande lank vroegoggend in die kerkgebou gaan sit en op God begin wag. Ek kon nooit vroeër vir langer periodes stil word nie, want ek was altyd haastig en daar was altyd so baie dinge om te doen. Nou was ek net bewus van 'n honger en dors na God.

Die eerste konkrete begin van die nuwe pad het onverwags gekom. 'n Man het my uit Secunda gebel. Hy het verleë gevoel, maar het gesê dat hy iets met my moes deel: "'n Geruime tyd reeds tydens my stiltetyd kom jou gesig, asook die titel van 'n boek wat jy moet lees, by my op." Die boek het gehandel oor hoe 'n mens die stem van God hoor Ek het die boek vir my gaan koop en so het die pad uit die woestyn begin.

Kort daarna het 'n vriendin 'n boek gekoop, maar toe sy by die boekwinkel uitloop, het sy ervaar dat die Here vir haar sê dat sy die boek vir my moes gee. Dit was veral hierdie boek van Jan Johnson, "When the soul listens", wat my uit die woestyntyd sou begelei. Ek het hierdie boek 'n hele paar keer in die volgende maande deurgelees. Ek het begin leer om na God se stem luister. Ek het begin leer om in 'n eerstehandse verhouding met God te leef.

Die nuwe pad

Aan die einde van die woestyntyd het ek en my vrou, Thea, 'n uitnodiging van Amerikaanse vriende ontvang om hulle gemeentekonferensie in Waco, Texas by te woon. Hier het die Here my verseker dat ek en Hy oor sou begin en dat Hy my gaan leer wat die hart van die Christelike geloof is en dat dit oor 'n werklike eerstehandse verhouding met Hom, 'n persoonlike leer ken van Hom en 'n leer leef saam met Hom, gaan. En dit is op hierdie pad wat ek begin loop het

Na die woestynpad het daar veral 3 sake swaar op my hart kom lê.

1. Ons moet weer leer om eerstehands met God, vanuit 'n verhouding met Hom te leef. Ongelukkig het ons vandag leer leef met die nuuste boek van Rick Warren of Joyce Meyers - met 'n kleingroep, met 'n geestelike leier of selfs met die Bybel. Ons het die leef **met God** prysgegee. Ons het nie meer eie God-ervaringe nie. Een van die hartseer simptome hiervan is dat die persoonlike lees van die Bybel in onbruik verval het. Wanneer die eerstehandse leef met God verdof, verloor die Bybel sy aktualiteit.

2.Ek stem saam met Dallas Willard dat ons verkeerdelik aanvaar dat ons Christene kan wees sonder dat ons lewens hoef te verander. 'n Gallup opname in die VSA het juis bevestig dat daar maar min verskil is tussen die leefwyse en gedrag van mense binne en buite die kerk Jesus kom egter ons lewe radikaal verander

3.Ons moet betrokke raak by die nood van die samelewing. Daar is by baie Christene en in baie gemeentes min energie oor vir die nood en uitdagings van die samelewing, veral noudat die kerk geroep word om 'n uiters belangrike diensfunksie in die samelewing te verrig. Ons is so vasgedraai in ons verbruikerskultuur en ons kom moeilik los van ons selfsugtige lewenswyse. Ons kyk so moeilik verby onself en ons eie behoeftes en sien so min die nood van ander raak

Jy moet beslis ds. Gys se storie van sy woestynervaring gaan lees.



Kom ons Bid nou ook vir mense van wie ons weet wat moedeloos en sonder HOOP is. *(As jy nie iemand by die naam ken nie, bid sommer so vir almal wat daar in die lewe is wat moedeloos en sonder HOOP is.)*

Merk een asseblief

Het jy HOOP? Beslis Ja ☐ Ja ☐

Miskien ☐

Nee ☐ Beslis nie! ☐

Here,
maak my 'n instrument van u vrede.
Waar daar haat is, laat my liefde bring.
Waar daar oortredings is, vergifnis,
waar daar twyfel is, geloof,
waar daar wanhoop is, hoop.
waar daar duisternis is, lig,
waar daar droefheid is, vreugde.

O, Heilige Meester, gee dat ek,
in plaas daarvan om vertroosting te soek, ander sal vertroos;
om begrip te soek, andere sal verstaan;
om liefde te soek, andere sal bemin.

Want dit is deur te gee, dat ek ontvang;
deur te vergewe, dat ek vergewe word.
En dit is deur te sterwe,
dat ek die ewige lewe beërwe. Amen

Franciscus van Assisi
se gebed...



Opdrag:

SKRYF HIERDIE WEEK NEER PRESIES HOE JY DAARDIE DAG GEVOEL HET...

(Elke dag het elke mens 'n bepaalde op en af gevoel. Daar is tye wat jy goed voel en dan is daar tye waar jy weer voel asof jy in 'n woestyn is.)

Maandag:

Dinsdag:

Woensdag:

Donderdag:

Vrydag:

Saterdag:

Tekste oor woestyntyte van mense

Psalm 63

Psalm 102

Psalm 107:33-43

Matteus 4:1-11

Kies vir jou 'n stel verse van hier bo en gaan lees daardie verse êrens alleen – Lees die stel verse 'n tweede maal deur. Skryf die hoofpunte of dit wat vir jou uitstaan hier neer:



Praat dan 'n paar woorde met die Here oor hierdie verse:



HUISGELOOF:



Maak tyd in die komende week om die volgende deel saam met jou pa en ma (boeties en sussies) te doen:

- ⊙ **Lees die teks van 1 Petrus 3:13-16 saam** *(In enige vertaling.)*
- ⊙ **Deel met mekaar wat vir jou uitstaan in hierdie verse.**
- ⊙ **Maak 'n lys van mense wat julle dink 'n woestynervaring of woestyntyd beleef.** *(Dit kan bekende mense wees of mense wat julle dink in die algemeen so kan voel – mense by 'n sterfbed, siek is of 'n bepaalde skeiding beleef.)*
- ⊙ **Dink saam oor 'n paar PRAKTIESE maniere waarop julle as gesin iets vir daardie mense kan doen en beplan wanneer en hoe julle dit gaan doen.** *(Dit is draers van hoop wees – kontroleer julle later of julle dit wel gedoen het.)*
- ⊙ **Praat mekaar moed in as iemand in die gesin self so 'n woestynervaring of woestyntyd beleef.** *(Dit hoef net gedoen te word as dit waar is van iemand van julle gesin.)*
- ⊙ **BID ALMAL SAAM HARDOP** *(indien julle wil of iemand kan dit namens die gesin doen.)* **die gebed van Franciskus van Assisi** *(Sien op bladsy 69. Julle kan ook LIED 284 sing of bid.)*

**Praat die kleinmoediges moed in,
help die swakkes,
wees met almal geduldig.**


1 Tessalonisense 5:14



Week 6 Hoop wat groei en groei

Ek strek my uit na wat voor is...

Kom ons bid....



Merk een asseblief

Het jy HOOP? Beslis Ja ☐ Ja ☐

Miskien ☐

Nee ☐ Beslis nie! ☐

Aan die einde van die les gaan jy weer 'n geleentheid kry om te merk en so ook by elke les se begin en einde

- mag jou HOOP groei en groei... -

Die uitkoms

Kom ...

- kry die kans om te ontdek hoe jou HOOP nie net op hierdie lewe gebou is nie, maar insluit 'n ewige lewe,
- kry die kans om te ontdek wat HOOP op 'n ewige lewe beteken,
- kry die kans om 'n stukkie van die HERE se WOORD opnuut of vir die eerste keer te hoor en te verstaan.

Miskien....

- ◆ mag jy soms voel dat die lewe uitloop op niks,
- ◆ mag jy soms voel dat die HOOP op die ewige lewe 'n "pie in the sky" is,


- ♦ mag jy soms voel dat hierdie HOOP op die ewige lewe nie vir jou bedoel is nie.

Kortom

Hierdie ontmoeting sal jou laat ontdek wat die Christelike HOOP werklik beteken en wat dit vir jou inhou as die EWIGE LEWE ter sprake kom.

Vandag se spreuk:

Ander verwag 'n hooplose einde, Maar dié wat in God glo, het eindelose **HOOP**. *(Gilbert Beeken)*



1. Hoe voel jy oor die lewe – hooplose einde of eindelose **HOOP**?

2. Wat beteken die **EWIGE LEWE** vir jou?

3. Glo jy dat jy deel het aan die **EWIGE LEWE**?

JA BESLIS ☐ JA ☐ MISKIEN ☐ NEE ☐

NEE, BESLIS NIE ☐



KYK NA DIE DVD

Wat het jy gesien en gehoor?

FILIPPENSE 3:10-21



Jy kan dit gerus in die Nuwe Vertaling (1983) gaan lees.

Ons gee vir jou nog twee ander vertalings van hierdie verse:

Die Bybel direkte vertaling (Die Bybelgenootskap van SA -2014):

¹⁰ en sodat ek Christus kan ken, die krag van sy opstanding en die gemeenskap met sy lyding, deur aan sy dood gelykvormig te word,^a

¹¹ dat ek so die opstanding uit die dood kan bereik.^b

¹² Nie dat ek dit al verkry het of alreeds volmaak is nie, maar ek streef daarna om dit my eie te maak,^c omdat Christus my reeds sy eie gemaak het.^d ¹³ Broers,^e ek reken nie dat ek dit self reeds my eie gemaak het nie, maar een ding doen ek: Ek vergeet die dinge wat agter is en strek my uit na wat voorlê.

¹⁴ Ek jaag die doel na, om die prys van God se hemelse roeping in Christus Jesus te bekom.^f ¹⁵ Laat ons, wat geestelik volwasse is, so hieroor dink; maar as julle anders hieroor dink, sal God dit wel aan julle bekend maak.^g ¹⁶ In elk geval, laat ons voortgaan op die koers wat ons ingeslaan het.^h

¹⁷ Broers, wees julle my navolgers,ⁱ en let op hulle wat leef volgens die voorbeeld wat ons aan julle gestel het,^j ¹⁸ want baie, van wie ek dit dikwels vir julle gesê het, en nou weer in trane sê, leef as vyande van die kruis van Christus.^k ¹⁹ Hulle einde is die verderf, hulle maag in hulle god,^l hulle eer is hulle skande – hulle wat aardse dinge bedink.^m ²⁰ Ons burgerskap is egter die hemel,ⁿ van waar ons as Verlosser verwag: die Here Jesus Christus. ²¹ Hy sal ons nederige liggaam verander om gelykvormig te word aan sy verheerlikte liggaam, deur die krag wat Hom in staat stel^o om alles aan Hom te onderwerp.^p

===== Voetnotas:

^a **3:10** Romeine 6:3-5; 8:17; Galasiërs 6:17

^b **3:11** Handeling 4:2; Openbaring 20:5-6

^c **3:12** ek streef...maak: 1 Timoteus 6:12

^d **3:12** Handeling 9:5-6

^e **broers:** volgens destydse opvatting was die susters hierby ingesluit.

^f **3:14** 1 Korintiërs 9:24

^g **3:15** Matteus 5:48; 1 Korintiërs 2:6

^h **3:16** Galasiërs 6:16

ⁱ **3:17** 1 Korintiërs 4:16; 11:1

^j **3:17** 1 Tessalonisense 1:7; 1 Petrus 5:3
^k **3:18** vyande...Christus: 1 Korintiërs 1:23; Galasiërs 6:12
^l **3:19** hulle maag...god: Romeine 16:18
^m **3:19** hulle wat ... bedink: Romeine 8:5-6
ⁿ **3:20** Efesiërs 2:6,19; Hebreërs 12:22
^o **3:21** Romeine 8:29; 1 Korintiërs 15:43-53
^p **3:21** 1 Korintiërs 15:28

Die Boodskap (CUM, 2006)

¹⁰Een ding wil ek nou regtig graag hê, en dit is om Jesus te ken. Daardie krag wat Jesus lewend uit die graf laat uitstap het, wil ek ook hê. Ek wil nie weghardloop vir lyding soos Jesus s'n nie, al beteken dit ook dat ek soos Hy moet sterf. ¹¹Ek weet tog dat ek soos Hy eendag lewendig uit die kloue van die dood sal stap.

Jesus gryp jou vas

¹²Ek wil nie voorgee dat ek geestelik al alles het of al geestelik by die wenpaal verby is nie. Ek span nou eers alles in my in om daardie doel te bereik, juis omdat Jesus sy hand na my uitgesteek en my vasgegryp het. ¹³Broers en susters, moenie my verkeerd verstaan nie. Ek wil nie maak asof ek die een is wat volmaak is nie. Allesbehalwe dit; maar ek gee alles om so te probeer wees. Daarom steur ek my nie meer aan my verlede en al die dinge wat toe skeefgeloop het nie. ¹⁴Soos 'n atleet wat sy oë net op die wenpaal hou, so span ek alles in my in: ek wil die prys aan die einde kry. God self sal die prys uitdeel en my dan na Hom toe roep omdat ek aan Jesus behoort. ¹⁵So behoort volwasse Christene oor dinge te dink. As party van julle op sekere punte van my verskil, laat God vir julle wys wat julle regtig moet dink. ¹⁶Hoe ook al, laat ons nie nou die verkeerde pad vat nie. Laat ons op die regte pad bly.

Wat God wil, kan Hy doen

¹⁷My broers en susters, doen wat ek gedoen het. Wees my navolgers. Terwyl ek nie daar is nie, moet julle die mense se voorbeeld volg wat die wedloop net soos ek hardloop. Dit is belangrik dat julle die regte mense volg. ¹⁸Ek het dit al baie vir julle gesê en dit maak my eintlik seer om dit weer te moet sê: daar is baie mense wat niks van Jesus hou en van wat Hy alles vir ons gedoen het nie.

¹⁹Mense wat agter daardie klomp aanloop, gaan saam met hulle die afgrond afstort waar hulle vir ewig van God af weg sal wees. Hulle stel mos meer belang daarin om hulleself en hulle eie begeertes te dien as vir God. Hulle spog oor dinge waaroor 'n mens jou eintlik bloedrooi behoort te skaam. Aan God dink hulle nie eens nie, want al wat vir hulle waarde het, is aardse dinge. ²⁰Hoe anders is ons nie! Wat vir ons saak maak, is die hemelse dinge. Daar lê ons ware vaderland. Uit daardie vaderland sal ons Redder kom. Uit die hemel verwag ons ons Here, Jesus Christus. Hy gaan ons swak menslike liggaam verander. ²¹Hy gaan ons liggaam nuut maak soos sy liggaam is na sy opstanding, verhewe en heerlik. Hy sal dit doen omdat Hy baie sterk is, want sy krag oortref alle ander krag. Wat Hy wil, dit kan Hy doen.

Lees een van hierdie drie vertalings weer deur en skryf hier neer:

☞ Watter woord, beeld of sin staan vir jou uit?

☞ Wat beteken hierdie woord, beeld of sin vir jou?

GESELS SAAM



4. Paulus het 'n intense toekomsverwagting gehad. Hoe kan ons dit sien in die volgende verse?

:11

:13

:14

:20

:21

5. Kyk weer mooi na wat jy hier geskryf het. Hoe sal hierdie waarhede jou help om 'n ander sterker verwagting (**HOOP**) op die ewige lewe te hê? Skryf dit só:


Ek moet:



6. Watter ernstige gevaar bedreig jou geestelike lewe as jy te tuis raak in hierdie wêreld? (v.18-19)

7. 'Hemelse burgerskap' beteken dat ons hier slegs reisigers is op pad na ons eintlike bestemming. Hoe raak dié besef jou besluite en optredes (v.20-21)?

8. Hoe kry 'n mens die ewige lewe?
(Lees: *Johannes 3:16,36; 6:40; 10:28; Romeine 6:23; 8:18-30; Kolossense 1:27; Titus 1:1-2*)



***Wat leer jy uit
hierdie prent?***

Kyk die Video clip:

<http://www.youtube.com/watch?v=EhXfH8DVxc8>

Message of HOPE


Hierdie lewe:



Hierdie lewe het 'n begin en einde.
 Dit is baie klein in vergelyking met
 die ewige lewe. Wat ek hier beleef
 kan nie vergelyk word met die
 EWIGE LEWE nie, want...

Ewige Lewe:

***Dit is daar vir
God se kinders!***



geen einde nie, altyd by HOM

HOOP op die ewige lewe, dra 'n mens deur *alles* van die lewe....

Verhaal van HOOP:

In Efesiërs 1:18 staan daar:

¹⁸Ek bid dat Hy julle geestesoë so verhelder dat julle kan weet watter **HOOP** sy roeping inhou, en ***watter rykdom daar is in die heerlike erfenis wat Hy vir die gelowiges bestem het,***

In hierdie laaste deel bid Paulus dat die lesers van hierdie brief – ingesluit ons – sal weet watter rykdom daar is in die heerlike erfenis wat God vir die gelowiges – ingesluit ons – weggebêre het.

Daar word vertel dat 'n sekere ryk man op 'n dag gelees het van 'n waardevolle kunsstuk en toe by homself besluit het om hierdie stuk met alle geweld te kry. Hy het 'n agent aangestel om deur die hele wêreld te soek na hierdie kunsstuk. Nadat die agent vir maande gesoek het en oral oor in die wêreld gereis het, het hy aan die ryk man kom terugrapporteer dat hy die kunsstuk gekry het.

Die ryk man wou weet waar het die agent dit gevind en wat sal dit hom kos om dit te besit? En toe kom die antwoord:

“Meneer, ek het oral oor in die wêreld na hierdie stuk gesoek, en kon dit nêrens by al die bekende kunsplekke of galerye kry nie. Ek het al die kunskenners in die wêreld gevra en hulle kon nie vir my sê waar dit is nie. Uiteindelik het ek dit gevind in een van u pakhuise. Meneer, u het dit nog altyd besit.”

Dus word hier gebid dat daardie besitting (DIE EWIGE LEWE) wat ons het net weer aan ons bekend sal word. Ons geestesoë moet oopgaan vir hierdie rykdom wat ons alreeds besit veral daardie dae waar ons so moedeloos raak!

Merk een asseblief

Het jy HOOP? Beslis Ja

☐

Ja

☐

Miskien

☐

Nee

☐

Beslis nie!

☐

Opdrag:

**SKRYF HIERDIE WEEK NEER WAAR DIE WETE VAN DIE
EWIGE LEWE DIE GEBEURE VAN DAARDIE DAG MEER
HANTEERBAAR GEMAAK HET...**

(As jy iets nie lekker beleef, dan kan jy altyd weet dat daar iets na
hierdie lewe wag wat soveel beter is.)

Maandag:

Dinsdag:

Woensdag:

Donderdag:

Vrydag:

Saterdag:

Tekste oor ewige lewe

Matteus 25:46

1 Johannes 5:6-20

Galasiërs 6:8


Kies vir jou 'n stel verse van hier bo en gaan lees daardie verse êrens alleen – Lees die stel verse 'n tweede maal deur. Skryf die hoofpunte of dit wat vir jou uitstaan hier neer:



Praat dan 'n paar woorde met die Here oor hierdie verse:



HUISGELOOF:



Maak tyd in die komende week om die volgende deel saam met jou pa en ma (boeties en sussies) te doen:

- ☉ **Lees die teks van Filippense 3:10-21 saam** *(In enige vertaling.)*
- ☉ **Deel met mekaar wat vir jou uitstaan in hierdie verse.**
- ☉ **Deel met mekaar hoe 'n mens deel kry aan die EWIGE LEWE.** *(Verse by vraag 8 op bladsy 78 kan ook hier gebruik word.)*
- ☉ **Deel met mekaar wat jy dink hoe die EWIGE LEWE sal wees.** *(Laat elkeen in die gesin iets sê hoe hy dink dit sal wees om by die Here in die hemel te wees.)*
- ☉ **Deel met mekaar hoekom dit so belangrik is om te midde van die stryd van die lewe aan jou deelname aan die EWIGE LEWE vas te hou.** *(Daar is baie geleenthede in die lewe waar 'n mens weet dat daar nie eintlik 'n verandering in jou omstandighede kan kom nie.)*
- ☉ **BID SAAM:**
 - ☹ **Vir almal wat moedeloos in die lewe geraak het – veral mense met kanker...**
 - ☺ **Dank die Here dat julle ook deel het aan die EWIGE LEWE...**



Week 7 Hoop wat groei en groei

Wees verseker! Wat 'n fees, ons gaan in die hemel wees!

Kom ons bid....



Merk een asseblief

Het jy HOOP? Beslis Ja ☐ Ja ☐

Miskien ☐

Nee ☐ Beslis nie! ☐

Aan die einde van die les gaan jy weer 'n geleentheid kry om te merk en so ook by elke les se begin en einde

- mag jou HOOP groei en groei... -

Die uitkoms

Kom ...

- kry die kans om te ontdek hoe jou HOOP op die wederkoms van Here Jesus Christus jou lewe kan beïnvloed,
- kry die kans om te ontdek dat HOOP op die wederkoms van die Here Jesus Christus nie 'n leë HOOP is nie,
- kry die kans om 'n stukkie van die HERE se WOORD opnuut of vir die eerste keer te hoor en te verstaan.

Miskien....

- ◆ mag jy soms voel dat die Here Jesus Christus se wederkoms al moes plaasgevind het,

- ◆ mag jy soms voel dat die geduld van die Here met die mens net een te veel is,
- ◆ mag jy soms voel dat hierdie HOOP op die wederkoms van die Here Jesus Christus 'n leë HOOP is.

Kortom

Hierdie ontmoeting sal jou laat ontdek dat die WEDERKOMS van die Here Jesus Christus 'n werklikheid is en dat jy te midde van hierdie lewe nog altyd daarop kan bou met 'n vaste HOOP.

Vandag se spreuk:

Hoekom is die **WEDERKOMS** vir gelowiges so 'n geweldige waarborg? Omdat die ***Skeidsregter*** “partydig” is! Hy is ook die ***Wenkaptein*** wat die ***game*** geswaai het. Die ***Skeidsregter*** neem deel en daarom blaas die eindfluitjie – die “laaste trompet” – wanneer dit vir sy wenspan die beste is. (Claude Vosloo)



1. Stem jy saam met hierdie spreuk?
2. Hoekom is die wederkoms van die Here Jesus Christus vir jou 'n waarborg?



KYK NA DIE DVD

Wat het jy gesien en gehoor?

2 Petrus 3:3-4; 8-15; 17-18



Jy kan dit gerus in die Nuwe Vertaling (1983) gaan lees.

Ons gee vir jou nog twee ander vertalings van hierdie verse:

Die Bybel vir almal (Die Bybelgenootskap van SA -2007):

³Dit is belangrik dat julle dit moet weet: In die laaste dae van die wêreld sal daar mense kom wat baie sal spot met ander mense. Hulle sal spot en hulle sal die slegte dinge doen wat hulle graag wil doen. ⁴Hulle sal sê: “Die Here het belowe dat Hy weer sal kom, maar hoekom het Hy nog nie gekom nie? Want ons voorvaders het lank gelede gesterf, maar alles bly dieselfde soos dit van die begin af was toe God alles gemaak het.”

Die Here sal weer kom om sondaars te straf

⁸Maar my vriende, julle moenie hierdie een ding vergeet nie. Een dag is vir die Here soos 1 000 jaar, en 1 000 jaar is vir Hom soos een dag. ⁹Party mense dink dat die Here ’n lang tyd neem om te doen wat Hy belowe het. Maar dit is nie waar nie. Nee, die Here is jammer vir julle, want Hy wil nie hê dat party mense verlore moet gaan nie. Hy wil hê dat al die mense moet lewe soos Hy wil hê hulle moet lewe. ¹⁰Maar die dag van die Here sal kom wanneer niemand sal dink dat dit sal gebeur nie. Daardie dag sal kom soos ’n dief wat kom wanneer niemand dink dat hy sal kom nie. Op daardie dag sal dit baie hard raas en dreun, en die hemel sal verdwyn. Die sterre in die lug sal smelt en verdwyn. Die Here weet wat almal op die aarde gedoen het en Hy sal hulle oordeel. ¹¹God sal al hierdie dinge so laat verdwyn, daarom moet julle ook julle hele lewe aan God wy en daarom moet julle Hom dien. ¹²Julle moet wag vir die dag van God, julle moet wens dat die dag gou sal kom. Op daardie dag sal die hemel en die sterre verbrand en smelt en verdwyn. ¹³Maar ons wag vir die nuwe hemel en nuwe aarde wat God belowe het, daar sal mense altyd doen wat God wil hê. ¹⁴Daarom, my vriende, terwyl julle wag dat hierdie dinge sal gebeur, moet julle heeltemal reg lewe. Julle moet probeer om nie dinge te doen waaroor julle skaam sal moet wees nie, en julle moet in vrede lewe. ¹⁵Julle moet ook weet dat ons Here geduldig is omdat Hy mense wil red. Hy het vir ons liewe vriend, Paulus, wysheid gegee, en Paulus het ook hierdie dinge vir julle geskryf.

Petrus prys God omdat Hy die gelowiges help

¹⁷My vriende, julle weet klaar dat hierdie dinge later sal gebeur. Daarom moet julle baie goed oppas, want daar is mense wat nie gehoorsaam is aan die wette van God nie. Julle moenie dat hulle vir julle ook laat lewe soos hulle lewe nie, want dan sal julle nie meer seker wees van die dinge wat julle glo nie. ¹⁸Nee, julle moet aanhou om meer en meer te glo in die genade van ons Here en Redder, Jesus Christus, en om Hom beter te leer ken. Daarom moet ons Hom prys, nou en vir altyd. Amen.

Die Boodskap (CUM, 2006)

³Onthou, gedurende die laaste dae hier op aarde sal daar spotters op die toneel verskyn. Hulle sal leef net soos hulle wil. ⁴Hierdie spul sal ook spottende dinge sê soos: “En wanneer gaan die wederkoms nogal plaasvind? Ons voorvaders is al dood en begrawe. Hulle het hulle dood gewag op die wederkoms, maar net mooi niks het nog verander nie. Alles gaan steeds op dieselfde ou trant aan, net soos dit van die begin af was.”

God se horlosie werk anders as ons s’n

⁸My liewe vriende, moenie dink dat God van ons mensgemaakte kalenders afhanklik is nie. Dit is glad nie so nie. Vir God is een dag net so goed soos 1 000 jaar, en 1 000 jaar net soos een dag. ⁹Daarom is Hy glad nie laat vir sy afspraak met die wêreld nie, al dink party spotters so. Die Here stel nie sy belofte uit nie. Hy sal sy woord hou. Op die oomblik is God net geduldig met julle almal. Hy wil nie hê dat sommige mense verlore moet gaan nie. Hy wil hê dat almal hulle moet bekeer. ¹⁰Niemand weet wanneer die Here na ons toe terugkom nie. Dit sal onverwags wees, net so onverwags soos ’n dief wat iewers in ’n huis inbreek. Op daardie dag sal die hemelruim bokant julle inmekaorstort, die sterre en die planeete sal tot ’n hoop as verbrand, en die aarde met alles daarop sal vergaan. ¹¹Julle weet dat al die dinge waarvan ek praat enige oomblik kan plaasvind. Daarom moet julle al hoe meer doen wat God vra. Gryp elke kans aan! Wys dat julle net aan Hom behoort. ¹²Sien uit na die dag waarop die Here terugkom. Leef so dat God die datum van sy terugkeer sal vervroeg. Leef daardie groot dag nader! Op daardie dag sal die hemelruim in vlamme verbrand en al die sterre en planeete in ’n oomblik wegsmelt. ¹³Ons hou met alles in ons vas aan die belofte dat ’n nuwe hemel en ’n nuwe aarde op pad is,

presies net soos God belowe het. Daar sal God se wil seëvier. Wat 'n wonderlike vooruitsig!

Leef reg, die Here is op pad

¹⁴My liewe broers en susters, omdat julle uitsien na alles wat in God se nuwe wêreld op julle wag, moet julle julle bes doen om so te leef dat julle God se hart altyd bly maak. Daar moenie eens 'n vuil kolletjie sonde in julle lewens te sien wees nie. Sorg dat julle eendag in vrede voor Hom kan staan, sonder enige skuldige gewetens. ¹⁵Die Here is baie geduldig met ons. Gelukkig! Hy gee ons nog 'n kans om ons lewens behoorlik reg te kry. Kom ons gryp dit met albei hande aan. Dit is presies wat Paulus, daardie broer van ons vir wie ons almal so lief is, ook vir julle geskryf het.

Bly elke dag by die Here

¹⁷My liewe broers en susters, ek het julle nou behoorlik gewaarsku teen die mense wat die goeie nuus verdraai. Nou weet julle vooruit wat alles op julle wag. Pas op vir hulle! Moenie deur hulle sondes en skewe leringe meegesleur word nie. Staan sterk in julle geloof. ¹⁸Leef net elke dag nog meer uit die liefdevolle goedheid wat ons Here en ons Verlosser, Jesus Christus, vir julle gee. En moet nooit ophou om meer en meer oor Hom te leer nie. Aan ons Here behoort al die heerlikheid, nou en vir altyd. Vir seker!

Lees een van hierdie drie vertalings weer deur en skryf hier neer:

📖 Watter woord, beeld of sin staan vir jou uit?

📖 Wat beteken hierdie woord, beeld of sin vir jou?

GESELS SAAM



3. Wanneer gaan die wederkoms van die Here Jesus Christus plaasvind? (Matteus 24:36-44)
4. Watter frustrasies veroorsaak God se “geduld” by ons? (vers 9)
5. Hoe is God se “geduld” tog tot ons voordeel? (vers 9 en vers 15)
6. Hoe verskil God se beskouing van tyd van dié van ons? (vers 8)



Vir ons as mens:

TYD - die gemete periode:
(=sekondes/minute/ure/dae/weke/maande/jare...)

God kan nie daarmee gebind word nie, want HY is EWIG
– Psalm 90:2

God is **vóór die tyd**, want sy bestaan gaan aan die bestaan van die mens en trouens van alle dinge, vooraf. Toe ons nog nie daar was nie, was God al daar en in daardie “tyd van God” is alles oor die kreatuurlike wêreld besluit.

God is **bó die tyd**, want Hy begelei en omsluit die tyd in sy historiese verloop van verlede, hede en toekoms.

God is **ná die tyd**, want ook wanneer daar geen tyd meer sal wees nie, ten minste soos ons dit tans ken nie – sal God nog steeds daar wees.

Maar omdat Hy God is, is Hy ook **in die tyd**, sonder om ooit van die tyd te word. Dit beteken dat Hy ewe naby aan ons verlede en toekoms is as wat Hy aan ons hede is en dat Hy oor elke fase regeer sonder om daarmee te sê dat dit ’n gelyksoortige heerskappy in elke fase is.

Ewige besluit wat God geneem het, is dus besluite wat nie net **vóór** en **bó** die tyd geneem is nie, maar wat ook **in** die tyd, hier en nou, geneem word en wat deur die mens in die aktualiteit van die hede ervaar word. God handel **in** die tyd met die mens vanuit die **ander kant** van die tyd, van **bo** die tyd.

Dr. Johan Heyns – Dogmatiek, N.G. Kerkboekhandel 1978



Vir ons as mens:

PLEK - ’n area/gebied/ruimte, byvoorbeeld ’n bepaalde plek op ’n oppervlak, ’n vertrek, gebou, dorp, stad, ens.

God kan nie aan so ’n plek vasgemaak word nie – HY is alomteenwoordig - Psalm 139:7-12; Jeremia 23:24

God is oral en altyd en dit beteken dat Hy in alles is.

(Lees hierdie later en laat jou ouers dit beslis lees.)

Het jy al ooit deur ’n seisoen in jou lewe gegaan waarin dit vir jou gevoel het asof iemand jou in ’n watertenk vol haaie gegooi het sonder ’n hok rondom jou wat jou beskerm? Of dalk dat iemand jou in ’n veldslag ingestuur het sonder

enige ammunisie of 'n wapenrusting? Of veel erger, asof jy met 'n spoed grond toe val en jy geen valskerm op jou rug dra om jou val te breek nie?

Nie een van ons is gevrywaar dat geen ongemaklike hindernisse van tyd tot tyd ons pad mag kruis nie. Tog kan ons weet dat God **ALOMTEENWOORDIG** is. Wanneer dit voel asof die haaie in jou werkplek of besigheidswêreld jou wil verslind, plaas Hy 'n hok van beskerming rondom ons. In die veldslag in die vorm van 'n finansiële krisis of 'n siekte wat, beskerm Hy ons van alle kante sodat geen noodlottige koeëls ons tref nie. En wanneer dit voel asof ons met 'n spoed grond toe val omdat 'n huwelik besig is om te eindig of 'n verhouding met 'n kind net nie wil regkom nie, gee Hy nie net aan ons 'n valskerm om die val te breek nie. Hy plaas 'n hyser rondom ons, wat ons boontoe neem na hoogtes in ons verhoudings wat ons nog nooit voorheen beleef het nie.

God se Woord beloof dat Hy **agter** ons is, **voor** ons, **langs** ons, **bo** ons en **onder** ons:

GOD IS **AGTER** ONS: Jesaja 30:21

GOD IS **VOOR** ONS: Spreuke 3:5

GOD IS **LANGS** ONS: Psalm 91:4,7

GOD IS **BO** ONS: Psalm 33:13-15

GOD IS **ONDER** ONS: Jesaja 40:31

God is **ALOMTEENWOORDIG**:

Hy weet wat in jou verlede was en Hy bly lief vir jou.

Hy weet wat in jou toekoms sal wees en daarom kan ons Hom vra om ons paaie vir ons gelyk te maak.

Hy is langs ons en kan ons van die gevaarlikste vyand beskerm.

Hy is bo ons en sien jou selfs waar jy sit en hierdie lees.


Hy is onder ons om ons na hoër hoogtes te lig en aan ons hoop te gee wanneer ons moeg is en op moedverloor se vlakke wil gaan draai. Mag jy vandag sy teenwoordigheid in jou lewe ervaar. Sterkte.

Gebed:

Vader God, dankie dat ek kan weet dat U ALOMTEENWOORDIG is. Help my asseblief om nooit hoop te verloor nie, maar om myself eerder te herinner dat U slegs 'n gebed ver is. Ek vra dit in die Naam van Jesus Christus. Amen.

(Benescke Janse van Rensburg)

Wat die oog nie gesien
en die oor nie gehoor het nie,
en wat in die hart van 'n mens
nie opgekom het nie,
dit het God gereed gemaak
vir dié wat Hom liefhet. (1 Korintiërs 2:9)



3:16
THE NUMBERS OF HOPE

7. Lees weer verse 10-16. Praat Petrus van dié sekerheid, dié tydsberekening of dié wyse waarop Jesus weer gaan kom?

(Omkring jou antwoord)

Hoekom sê jy so?

8. Op watter manier is dit 'n effektiewe aanmoediging om nou Godvresend te lewe?

:11

:14

:15

Verhaal van HOOP:

Lekker lees later:

Hoop met die wete dat God jou toekoms ken

– Benescke Janse van Rensburg

Stefan is 'n 15-jarige begaafde krieketspeler wat in Bellville woon. Vir die afgelope twee jaar was hy die enigste krieketspeler uit sy hoërskool wat vir die Westelike Provinsie o/19-krieketproewe genooi is. Aan die begin van die jaar het hy en sy enkelma egter 'n uitdaging in die oë gestaar. Hy is reeds 1,9 meter lank en dra 'n nommer 12 skoene en sy toerusting was besig om vinnig te klein vir hom te word. Die finansiële druk by die huis het dit egter vir sy ma onmoontlik gemaak om vir hom nuwe krietetoerusting te koop.

Dit was die rede vir haar e-pos wat sy verlede Maandag aan Radio Tygerberg gestuur het. Saam met haar e-pos het sy ook 'n getuigskrif van Stefan se kriketafrigter ingesluit waarin hy ons vertel het dat hy besluit het om Stefan weens sy besondere talent gratis af te rig aangesien hy bewus was van die finansiële uitdaging in Stefan se gesin.

Een van my kollegas by die werk was diep geraak deur die e-pos en hy het besluit om uit sy eie sak vir Stefan been- en handskutte te gaan koop. Teen Woensdagoggend kon ons vir Stefan tydens ons oggendprogram, Oggendrooi op Radio Tygerberg bel met die nuus van die nuwe toerusting. Hy was in ekstase. 'n Paar van ons luisteraars het dadelik na die aankondiging via ons SMS-lyn in die ateljee vir ons laat weet dat hulle ook 'n finansiële bydrae vir Stefan se toerusting wou lewer. Teen Vrydagoggend kon ons hom weer bel met die nuus dat ons ook vir hom nuwe skoene, 'n kolf, 'n helm en 'n toksak tot die lys van nuwe toerusting kon voeg.

Ná Vrydag se program het ek 'n oproep van 'n luisteraar genaamd Paul gekry. Hy het vir 'n geruime tyd in Londen krieket gespeel. Met sy terugkeer na Suid-Afrika, het daar iets fout gegaan op die Heathrow-lughawe en sy toksak met al sy krietetoerusting het daar agtergebly. In Suid-Afrika was hy genoodsaak om vir hom nuwe toerusting aan te koop aangesien hy by 'n plaaslike klub vir krieketwedstryde moes opdaag. Hy het die nuwe

toerusting vir twee of drie wedstryde gebruik voordat sy toksak uit Engeland opgedaag het. Dit is nou 'n paar jaar later en die bykans splinternuwe toerusting staan steeds in sy motorhuis. Hy het genoem dat hy dit aan Stefan wil skenk. Wat vir my uitgestaan het, was dat al Paul se toerusting die groottes is wat Stefan benodig – selfs die nommer 12 paar skoene! Paul het ook aangebied om Stefan te kontak om hom aan te moedig met sy krieket of as 'n tipe mentor vir hom op te tree.

Paul se oproep het my laat besef dat 'n mens op een van twee maniere na hierdie insident kan kyk. Aan die eenkant kan die feit dat die toerusting die regte groottes is en dat Paul vir Stefan wil ondersteun 'n blote toeval is. Tog, aan die ander kant kan mens dit as 'n goddelike ingryping beskou en sien hoe God self betrokke was. Hy het Paul se tydelike ongerief, terwyl sy toerusting in Londen gestrand was, gebruik het om alles in plek te kry omdat Hy geweet die toekoms ken en geweet het dat Stefan die nuwe toerusting en ook Paul se ondersteuning in 'n tyd soos hierdie gaan benodig.

Besef jy dat God ook jou toekoms ken en dat Hy weet wat jy gaan benodig nog voordat jy dit self weet? In **Psalm 139:7-12** herinner die Psalmdigter ons dat God oral is: “Waarheen sou ek gaan om u Gees te ontvlug? Waarheen sou ek vlug om aan u teenwoordigheid te ontkom? Klim ek op na die hemel, is U daar, gaan lê ek in die doderyk, is U ook daar. Vlieg ek na die ooste, of gaan woon ek in die verre weste, ook daar lei u hand my, hou u regterhand my vas. Ek sou die duisternis kon vra om my weg te steek, of die lig rondom my om in nag te verander, maar vir U is selfs die duisternis nie donker nie en die nag so lig soos die dag, duisternis so goed soos lig.” En in **vers 16** word bevestig dat God ons elkeen voor ons geboorte reeds geken het: “U het my al gesien toe ek nog ongebore was, al my lewensdae was in u boek opgeskrywe nog voordat ek gebore is.”


As jy dus vandag mismoedig voel, begin God dank dat Hy ook in beheer van jou hede en toekoms is. Jou tydelike ongemak mag dalk al wees wat Hy benodig om jou karakter te vorm en dinge agter die skerms in plek te plaas sodat jy ook op die regte tyd jou deurbraak kan beleef. Sterkte!

Gebed: Vader God, baie dankie dat U ook my toekoms ken. Help my om nie ongeduldig te raak as dinge ongemaklik in my lewe raak nie, maar eerder my oë op U te hou met die wete dat U die groter prentjie sien. Ek vra dit in die Naam van Jesus Christus. Amen.

Kyk na die video-clip: **The WALL**
A Hopeless Situation
<http://www.youtube.com/watch?v=nGuO6hzI8Ok>

Merk een asseblief

Het jy HOOP? Beslis Ja



Ja



Miskien



Nee



Beslis nie!



Opdrag:

**SKRYF HIERDIE WEEK NEER WAAR JY GEWENS HET
DAT DIE HERE DAARDIE OOMBLIK KOM EN HOEKOM JY
SO GEVOEL HET.**

(As jy iets slegs van die lewe beleef, dan wens ons baie keer dat die
wederkoms kon plaasvind en Hy ons kom red hiervan.)

Maandag:

Dinsdag:

Woensdag:

Donderdag:

Vrydag:

Saterdag:

Tekste oor wederkoms

Johannes 14:18-31

Matteus 24:29-31

Matteus 25

1 Tessalonisense 5:1-11

Kolossense 3:4

1 Petrus 1:13-16

Kies vir jou 'n stel verse van hier bo en gaan lees daardie verse êrens alleen – Lees die stel verse 'n tweede maal deur. Skryf die hoofpunte of dit wat vir jou uitstaan hier neer:



Praat dan 'n paar woorde met die Here oor hierdie verse:



HUISGELOOF:



Maak tyd in die komende week om die volgende deel saam met jou pa en ma (boeties en sussies) te doen:

- ⊙ Lees die teks van **2 Petrus 3:3-4; 8-15; 17-18** saam *(In enige vertaling.)*
- ⊙ Deel met mekaar wat vir jou uitstaan in hierdie verse.
- ⊙ Deel met mekaar wat jy van die **WEDERKOMS** van die Here Jesus Christus weet. *(Hier kan jy veral gebruik maak van die tekste van die wederkoms op bladsy 94)*
- ⊙ Lees saam die stukkies oor **TYD** en **PLEK** op bladsy 89-91 en deel wat jy verstaan daarvan met die res van die gesin. *(Vertel vir mekaar wat dit vir jou beteken dat God nie gebonde is aan tyd en plek nie.)*
- ⊙ Deel met mekaar hoe julle die wederkoms van die Here Jesus Christus sien as iets wat julle werklik **HOOP** gee in die lewe met al sy aanslae. *(Hier kan julle ook die video-clip: The Wall A Hopeless situation kyk:*
<http://www.youtube.com/watch?v=nGuO6hzI8Ok>*)*
- ⊙ As julle as gesin nie alles verstaan van die wederkoms van die Here Jesus Christus, formuleer julle vrae en gaan vra dit vir julle leraar/pastoor. *(Skryf dit neer op 'n aparte vel papier wat julle vir hom/haar kan gee om die antwoorde ook vir julle op te skryf.)*
- ⊙ **BID SAAM:**
 - ☹ Vir almal wat gekonfronteer word met MURE...
 - Vra die Here om julle sterk te maak in die STRYD...
- 😊 Dank die Here vir die wete dat HY weer kom...